


土岐文庫  
文庫17  
W82  
22





文章 17  
W 82  
22

蕭蕭白髮卧扁舟死盡中朝舊輩流  
萬里關河孤枕夢五更風雨四山秋  
鄭虔自笑窮耽酒李廣何妨老不侯  
猶有少年風味在吳牋著句寫清愁

示友

道向虛中得文從實處工  
凌空一鷲上赴海百川東  
氣骨真當勉規模不必同  
人生易衰老君等勿怱怱

開東關路北至山脚因治路傍隙地雜植花草

清溝東畔翦萋菅雖設柴門盡日關  
遠引寒泉成碧沼稍通密竹露青山  
幽花泣露開仍落好鳥穿林去復還  
更止橫岡吾所愛小兒試覓屋三間

父子追隨一笑傾東園東畔踏初成  
夾栽芳草如繩直前出籬門似砥平  
春近野梅香欲動雨餘溝水細無聲  
今朝

昭和六十年二月一日贈  
土岐善吉唐氏寄

010185188480



有喜誰能識不用人扶亦自行

病眼逢人每嬾開正須此地洗氛埃數枝梅向林梢出一  
脉泉從嶺背來藤杖有時緣石磴風爐隨處置茶杯殘軀  
自笑如春草又喜天邊斗柄回

連日治圃至山亭又作五字

好竹千竿翠新泉一勺冰殘蕪襯落日老木上寒藤細磴  
欹難過危欄曲可憑歸時忽已算點點數漁燈

歲暮書懷

世事從來不可常把茆猶幸得深藏牀頭酒瓮寒難熱瓶  
裏梅花夜更香薄命元知等蟬翼良途何處不羊腸詩成  
讀罷仍無用聊滿山家骨董囊

初春感事

馬跡連聲是處忙經旬無客到龜堂水初泛溢結天綠海  
欲飄零特地香世事紛紛人自老歲華冉冉日初長百錢  
不辦旗亭醉空愛鵝兒似酒黃

先少師宣和初有贈晁公以道詩云奴愛才如蕭穎  
士婢知詩似鄭康成晁公大愛賞今逸全篇偶讀  
晁公文集泣而足之

士不逢時勇退耕閉門自號景迂生遠聞佳士輒心許老  
見異書猶眼明奴愛才如蕭穎士婢知詩似鄭康成早孤  
遇事偏多感欲續殘章涕已傾

追感往事

諸公可歎善謀身誤國當時豈一秦不望夷吾出江左新  
亭對泣亦無人



紹興辛酉子年十七矣距今已六十年追感舊事作

絕句

常憶初年十七時朝朝烏帽出從師與許子威輩同從師  
季和先生長與必具

雨晴風日絕佳徒倚門外

茶釀無端廢午眠杖藜信步到門前青裙溪女結蠶卦白

髮廟巫催社錢

章老三病方死吳翁一夕呼不醒獨有此身頑似鐵倚

門常看莫山青

章吳皆鄉人以去冬死

春遊

春風隄上草萋萋草軟沙平護馬蹄似蓋微雲纔障日如  
絲小雨不成泥千秋觀裏逢新燕九里山前聽午鷓追憶

舊遊愁滿眼綵船曾繫画橋西

春雨

狼藉殘花滿地紅擁衾孤夢雨聲中人生十事九堪歎春  
色三分二已空但有老盆傾濁酒不辭衰鬢對青銅長貧  
博得身强健久矣無心咎化工

藥爐茶竈淡生涯聽雨猶能惜物華蘼岸頓添三尺水沾  
泥不貸一城花間摩病眼開書卷時傍危欄弄釣車稚子  
孤行八千里喜聞炊熟可還家家僅自行在來報于布寒  
食前可到家唐人以此寒食  
前一日為炊熟

自笑平生嬾是真閉門高枕動兼旬海棠千片已隨水杜  
宇一聲無復春綠酒盈樽足忘老朱櫻上市正嘗新今朝  
雨止通溪路又向沙頭岸幅巾



三月十六日至柯橋迎子布東還

江國常年秋鴈飛吾兒遠客寄書稀  
道途一見相持泣鄰曲聚觀同載歸  
草草杯盤更起舞匆匆刀尺旋裁衣  
從今父子茆簷下回首人間萬事非

我似傷禽帶箭飛更憐汝作鴈行稀  
異時恐抱終身恨此日寧甘徒步歸  
萬里外應勞遠夢三年前已挂朝衣  
斷編蠹簡相從老絕念功名亦未非

初夏野興

扇墮巾欹午夢回鳴鳩又喚雨絲來  
數行褚帖臨窗學一卷陶詩傍枕開  
糠火就林煨苦筍饜覺沉井漬青梅  
艾人行復巍然出老大難堪節物催

衡門

曲徑衡門短短籬槐楸陰裏倚筇枝  
老來百事不入眼惟愛青山如舊時

朝飢示子聿

水雲深處小茆茨雷動空腸慣忍飢  
外物不移方是學俗人猶愛未爲詩  
生逢昭代雖虛過死見先親幸有辭  
八十到頭終強項欲將衣鉢付吾兒

晨興

小雨過郊墟晨興一事無殘榴重結  
藥新燕續生雛書細猶能讀行遲漸  
要扶蔬畦恐蕪沒且復課僮奴

西村

亂山深處小桃源往歲求漿憶叩門  
高柳簇橋初轉馬數家臨水自成村  
茂林風送幽禽語壞壁苔侵醉墨痕  
一首



清詩記今夕細雲新月耿黃昏

放歌行

少年不知老境惡意謂長如少年樂朝歌夜舞狂不休逢  
人欲覓長生藥三二十年底難過屈指朋儕餘幾箇就令  
未死身日衰朱顏已去誰能那人間萬事如奕棊我亦曾  
經少壯時兒曹紛紛不須投歲月推遷渠自知

閉戶

收身歸死鏡湖傍閉戶悠悠白日長巷僻斷非容駟路腸  
枯那有蹴蔬羊書生正可蹈東溟世事漫息移太行睡起  
不知天早暮坐看螢度篆盤香

長飢

病卧窮閭負聖時本來吾道合長飢朝不及夕未妨樂死

何如生行自知早年休學仗下馬末路幸似泥中龜煙波  
一乘會當逝吹笛高人有素期

山齋書事

山榴子結又重開巢燕雛飛却續回燕有三生雨足人哇  
千頃稻日長風舞一庭槐浩歌縱酒愁仍在作意觀書睡  
已來常恨流年不相貸若為更著算蟬催

晚至新塘

青鞵隨意出柴荆聊向南唐曳杖行歸鳥已從煙際沒斷  
虹猶在柳梢明城頭層堦凌空立浦口孤舟竝岸橫向道  
有詩渾不信為君擁鼻作吳聲

早秋南堂夜興

水注橫塘藻荇香候蟲唧唧滿空廊風前落葉紛可掃天



際疎星森有芒夜漏漸長愁少睡秋衣未製怯新涼明朝  
知有欣然處寫得黃庭又幾行

新涼書懷

藥物扶持病少蘇殘年不恨老菰蘆潦收溪棹魚爭售歲  
樂村場酒易沽無日橙林無墜葉橙木自夏至秋日有時  
有落葉不可勝掃燕戶有新雛今年燕屢生雛  
七月望猶未止秋風礫起扁舟興安得州家  
復鏡湖

鄰曲今年又有年垂髻戴白各欣然先輸官庾無逋賦共  
賽神祠有社錢退傅寄聲情縝密連得周丞相  
書細字滿幅晦翁入夢

語蟬聯昨夕夢朱  
元晦甚款燈前細與兒曹說蠹簡猶堪數世傳

燒香

寶熏清夜起氤氳寂寂中庭伴月痕小斲海沉非弄水旋

開山麝取當門蜜房割處春方半花露收時日未暝安得  
故人同晤語一燈相對看雲屯

枕上

呼兒初夜上門關怕冷貪眠自笑孱月色橫分窗一半秋  
聲正在樹中間算年不復樽前樂浮世無如枕上閒鍊句  
未安姑棄置明朝追記尚斑斑

山園書觸目

山近雲生易人稀鳥下頻瘦篁穿石竅古蔓絡松身熟摘  
巖邊果乾收澗底薪經過不相識喚作避秦人

村舍

篠屋楓林下山中人以篠覆  
舍厚密過于茅柴門芡浦旁先鳴雞膈膊徐  
上日蒼涼風藥貧寧輟觀書老有常仍須教童穉世世力



耕桑

生理嗟彌薄吾居久未完蝶飛窗紙碎龜坼壁泥乾小雨  
牛欄溼微霜確舍寒晚禾蟲獨少鄰里共相寬今年晚禾苦蟲蛇子

對食戲詠

一飽欣逢歲小穰時憑野餉誰枯腸橙黃出白金齏美菘  
脆供盤玉片香客送輪囷霜後蟹僧分磊落社前薑秋來  
幸是身強健聊為佳時舉一觴

懷昔

偶住人間日月長細思方覺少年狂眾中論事歸多悔醉  
後題詩醒已忘鼉作鯨吞吁莫測谷堙山塹浩難量老來  
境界全非昨臥看縈簾一縷香

賽神

歲熟鄉鄰樂辰良祭賽多荒園拋鬼飯高杙置神鵝村人謂祭神之牲曰神鵝人散叢祠寂巫歸醉臉酡飢鴉更堪笑鳴噪下  
庭柯

小立

紅樹園廬晚碧花籬落秋荒陂船護鳴斷岸笛呼牛酒賤  
村村醉山寒寺寺幽聊須岸鳥憤小立埭西頭

秋晚湖上

已過西成賽廟期家家下麥不容遲夕陽遍野人歸後秋  
水生灘鷺集時靈藥不治懷抱惡好詩空益髡毛衰從來  
未識蘇司業愁絕西風滿酒旗

明日又至山園天微陰再賦



河岸風檣遠村陂牧笛長短籬圍鹿眼幽徑繚羊腸照水  
鬚眉見搓橙指爪香衣裘又關念礎杵滿斜陽

不寐

麗譙聽盡短長更幽夢無端故不成寒雨似從心上滴孤  
燈偏向枕邊明讀書有味身忘老報國無期涕每傾敢爲  
衰殘便虛死誓先鄰曲事春耕

弊廬

弊廬雖陋甚鄙性頗所宜欲傾十許間艸覆實半之確聲  
隔柴門續火出枳籬縛木爲菟牢附垣作雞埒黃犢放林  
莽蒼鷓戲陂池傭耕食于我客主同爨炊瓦盎設大杓菹  
芻羹園葵一飽荷鋤出作勞非所辭上以奉租賦下以及  
我私有錢卽沽酒阡陌恣遊嬉亦有扶持者婢跣奴髻椎  
欲畫恨無人後世考此詩

園中作

誰采桄榔寄一枝北來萬里爲扶衰風光最愛初寒候懷  
抱殊勝未老時聞引微泉成曲澗盡除枯蔓補疎籬花前  
自笑童心在更伴羣兒竹馬嬉

夜四鼓睡覺起行簷間觀新作南籬

星斗闌干天宇清起披短褐繞廊行葉聲颯颯飛霜重籬  
影疎疎落月明少冷斷鴻投別浦風高殘漏下孤城衰遲  
自笑情猶在一首新詩取次成

客去追記坐間所言

征西幙罷幾經春歎息兒音尚帶秦每爲後生談舊事始  
知老子是陳人建隆乾德開王業溫洛榮河厭虜塵倘得



此生重少壯臨危敢愛不貲身

追憶征西幙中舊事

大散關頭北望秦自期談笑掃塵收身歿向農桑社何

止明明兩世人

小獵南山雪未消繡旗斜卷玉驄驕不如意事常千萬空

想先鋒宿渭橋

憶昨王師戍隴回遺民日夜望行臺不論夾道壺漿滿洛

筍河魴次第來

在南鄭時關中將吏有獻此二物者

關輔遺民意可傷蠟封三寸絹書黃亦知法如秦列

聖恩深不忍忘

關中將校密報事宜皆以蠟書至宣司

冬夜

颼颼黃葉欲辭枝况著霜風抵歿吹投老難逢身健日讀

書偏愛夜長時孤村月白聞衣杵破竈煙青煮芋糜不是  
用心希陋巷為儒自合耐寒飢

冬日

室中恰受一蒲團也抵三千世界寬上策莫如扃戶坐苦  
閒猶復取書看蔬青飯輒枝梧老窗白爐新準備寒堪笑  
此翁幽獨慣却嫌兒女話團欒

寒夕

夜扣銅壺徹旦吟了無人會此時心燈殘焰作孤螢小火  
冷灰如積雪溪風急江天無過雁月明庭戶有疎碁此身  
畢竟歸何許但憶藏舟黃蘗林

辛酉冬至

今日日南至吾門方寂然家貧輕過節身老怯增年

鄉俗謂喫



冬至飯即畢祭皆扶拜分盤獨早眠惟應探春夢已繞鏡  
湖邊

客至

何處軒車客能來桑麥村一奴先入市此老自磨門野果  
嘗皆澀村醅壓尚渾殘年亦何恨治世作黎元

冬夜讀史有感

短檠膏涸夜將殘感事懷人興未闌酌酒淺深須自度圍  
棋成敗有傷觀斷柄作飯終年飽大布裁袍稱意寬世上  
閒愁千萬斛不教一點上眉端

小飲梅花下作

脫巾莫歎髮成絲六十年間萬首詩予自年十七八學作  
詩今六十年得萬篇辨日醉過梅落後通宵吟到雪殘時偶容後歎寧非幸自

乞歸耕已恨遲青史滿前閒即讀幾人爲我作著龜

箕卜

孟春百草靈古俗迎紫姑厨中取竹箕冒以婦帚襦豎子  
夾扶持插筆祝其書俄若有物憑對畚不須史豈必考中  
否一笑聊相娛詩章亦間作酒食隨所須興闌忽辭去誰  
能執其祛持箕畹婢棄筆臥牆隅几席亦已徹狼籍果  
與蔬紛紛竟何益人鬼均一愚

梅花絕句

幾年不到合江園說著當時已斷魂只有梅花知此恨相  
逢月底却無言  
當年走馬錦城西曾爲梅花醉似泥二十里中香不斷青  
羊宮到浣花溪



聞道梅花圻曉風雪堆遍滿四山中何方可化身千億一

樹梅前

一作一放翁

小亭終日倚闌干樹樹梅花看到殘只怪此翁常謝客元來不是怕春寒

亂髮桐帽花如雪斜挂驢鞍酒滿壺若得丹青如顧陸憑渠畫我夜歸圖

紅梅過後到緗梅一種春風不並開造物無心還有意引教日日放翁來

送子龍赴吉州掾

我老汝遠行知汝非得已駕言當送汝揮涕不能止人誰樂離別坐貧至于此汝行犯胥濤次第過彭蠡波橫吞舟魚林嘯獨脚鬼野飯何店炊孤權何岸穢判司比唐時猶

幸免笞箠庭參亦何辱負職乃可耻汝爲吉州吏但飲吉州水一錢亦分明誰能肆讒毀聚俸嫁阿僧擇士教元禮我食可自營勿用念甘旨衣穿聽露肘履破從見指出門雖被嘲歸舍却睡美益公名位重凜若喬嶽峙汝以通家故或許望燕几得見已足榮切勿有所啓又若楊誠齋清介世莫比一聞俗人言三日歸洗耳汝但聞起居餘事勿挂齒希周有世好敬叔乃鄉里豈惟能文辭實亦堅操履相從勉講學事業在積累仁義本何常蹈之則君子汝去三年歸我儻未卽歿江中有鯉魚類寄書一紙

六日雲重有雪意獨酌

遍遊叢澤一漁舸盡歷風霜只緼袍天爲念貧偏與健人因見嬾誤稱高地連海滢濤聲近雲冒山椒雪意豪偶得



名罇當痛飲涼州那得直蒲萄

舟中作

娥江西路石帆東身寄鷗波浩蕩中  
疊疊沙痕畱浦岸疎疎日影透漁篷  
詩人無復同盟在酒債何時一洗空  
已迫老年宜易感人生五十卽稱翁

晤語無人與遣愁出門聊復弄輕舟  
山穿煙雨參差出水赴陂塘散漫流  
隔葉雄雌鳴谷鳥傷林子母過吳牛數家  
清絕如圖畫炊黍何妨得小畱

湖村春興

桑柘相望雨露新桃源自隱不緣秦  
稻陂正滿初投種蠶子方生未忌人  
酒借鵝兒成淺色魚憑雲母作脩鱗  
賽神歸晚比鄰醉一笑猶關老子身

村居書事

藥物枝梧病漸蘇門前野老笑相呼  
春深水暖多魚婢雨足年豐少麥奴  
小飲盃盤隨事具閒行巷陌倩人扶  
題詩非復羌村句誰與丹青作畫圖  
李伯時有羌月圖傳於世

題廬陵蕭彥毓秀才詩卷後

詩句雄豪易取名爾來閒淡獨蕭卿  
蘇州歿後風流絕幾許工夫學得成  
法不孤生自古同癡人乃欲鏤虛空  
君詩妙處吾能識正在山程水驛中

示客

一點昏燈兩部蛙客來相對半甌茶  
典衣未贖身饒蟲治米無工飯有沙  
每爲采菱浮野艇時因賣藥宿山家  
青鞋



到處堪祭典不獨雲門與若耶

喜晴

葛衣初著喜新晴寂寂虛堂一榻橫  
乍坼孤花藏葉罅晚歸雙燕拂簾旌  
舞空不斷游絲直掠地還飛落絮輕  
剝欲倚闌尋好句清笳已復動高城

閒詠園中草木

剪刀葉畔戲魚回  
帔子花頭舞蝶來  
領畧年光屬閒客  
樽自勸不須推  
一樹山櫻鳥啄殘  
懸鈎半舍亦甘酸  
兒童采得爭來餉  
應念衰翁舌本乾  
綠侵小徑慕衣艸  
青絡疎籬鬼帶藤  
未暇開編尋本艸  
且將名品問山僧

過鄰家

老病在臂蹠終日不喜動  
溪雲忽過前袖手以目送  
今晨光景佳  
霽色入鳥呀  
駕言出柴荆  
暫作湖山夢  
東村望鶴巢  
西阜過糴峒  
父老意欣然  
爲我撥春瓮  
豈惟澆舌燥  
亦用輒脚痛  
形骸去繩檢  
談笑得少縱  
吳蠶初上簇  
陂稻亦已種  
端午數日間  
更約同解纜

九月初作

九月都門凜欲霜  
羸軀恩免立鵷行  
紉書付吏騰初橐  
和藥呼兒對古方  
陋巷閉門常謝客  
高齋掃地獨焚香  
此生自計終何取  
似有山林一日長

寶錄有初橐二橐

無客

今日了無客  
翛然塵柄閒  
硯涵鴈鴒眼  
香斲鷓鴣斑  
木落



風初勁雲低雨尚怪西湖未暇到臥看曲屏山

懷故山

老怯京塵化素衣無端拋擲釣魚磯碧雲又見日將暮芳  
草不知人念歸萬事莫論羈枕夢一身方墮亂書圍岷山  
學士無消息空想燈前語入微 張季長秘閣久不得書

晚歸

無事經秋別鏡湖詩囊隨處累奚奴樓頭寒日低將盡陌  
上殘泥踏欲無軒冕豈容關喜慍簞瓢亦未費枝梧畫橋  
綠浦歸來晚一醜昏燈得自娛

題史院壁

白髮無餘鬢蒼顏失故丹旅遊多敗意大屋每饒寒出良  
霜侵褐歸寒日暖鞍若非時得可何以慰衰殘

苔甃平分路銅環半掩扉殘蕪寒不灰敗葉落還飛責重  
何由塞愁生但念歸非無茅一把世事苦相違

寄題儒榮堂

朝散大夫徐夢莘著北盟錄上之除直  
秘閣訓辭有儒榮之語因以名堂來求

軍容基旣廟謀疎尚記文登遣使初只道大功隨指顧至  
今遺種費誅鋤還朝不遣參麟筆寓直空聞上石渠剗辦  
殺青君記取龍庭焚盡始成書

雜興十首以貧堅志士節病長高人情為韻

仕宦徧四方每出歸愈貧寒暑更質衣笑倒鄰里人今年  
作史官坐糜太倉陳無如息歸何日夜望絕麟區區牛馬  
走齷齪蟻蝨臣恩深老不報肝膽空輪囷  
孟子關楊墨吾道方粲然韓愈排佛老不失聖所傳伐木



當伐根攻敵當攻堅坐視日月食孰探天地全一木信難恃要憂大厦顛安得孟韓輩出爲吾黨先

聖人固多能藝乃不以試嗟予少貧賤日月成坐棄矧今耄已及甘食而美睡道衰朋友散斯文凜將墜閉戶輒竟日孰與講仁智厭厭生意盡何暇議李志

少年喜結交患難謂可倚寧知事大謬親友化虎兕出仕五十年危不以讒死始畏囊中錐寧取道傍李老來多新知英彥終可喜豈以二三君遂疑天下士

咎我遊廬山夜雨東林雪灰潑火正熟膏滅燈半滅童驚林虎過僧憐澗松折至今每追想可解肺肝熱那知蓬山夢忽繼此清絕殊勝蘇子卿餐壇持漢節

觀人如觀玉拙眼喜譏評得失顧在人玉固非所病慶曆

嘉祐間人才於斯盛王回僅一招石介棄不聘乃知天下士成敗各有命願君姑安之天定豈不勝

兩山如峨眉一水若車輞吾咎廬其間百里臨蒼莽少年手藝木條榦日夜長咿啞駕獨轅迢遞搖兩漿平生會心地今乃寄夢想何時喚鄰翁煙水行布網

貨財不可居祿位不可饜我爾本一家何至臯闌鑿小夫謀人國紛紛日煎熬或謂性本惡或謂經無褒誤人方自此孰如飲醇醪清言亦自佳遺事非徒高

魯山粹而博韶美曠且真石渠東觀中久矣無若人飛仙驂鳳鸞豈久混世塵空餘文章在常與日月新我雖不足數疇管忝交親尚想秋燈下對影歎福巾

陳山魯山劉儀鳳韶美

君子尚大節又甚惡不情魯連故可人用意終近名千載



高夷齊采薇忘其生周公述易象所以貴幽貞去聖雖已  
遠江左見淵明我讀飲酒詩朱絃有遺聲

謝韓實之直閣送燈

玉作華星綴絳繩樓臺交映算天澄東都父老今誰在腸  
斷當時諫浙燈  
舊友年來不作疎華燈乃官寄蝸廬寧知此老蕭條甚二  
尺檠前正讀書

歎老

鏡裏蕭蕭白髮新默思舊事似前身齒殘對客豁可恥臂  
弱學書肥失真漸覺文辭乖律呂豈惟議論少精神平生  
師友凋零盡鼻堊揮斤未有人

冬曉

恩免宵興趁曉班養慵終覺媿吾顏浮名半世虛催老高  
臥何時復得閒兩岸夕陽漁浦市數峰寒靄沃洲山扁舟  
來往無窮樂此事天公豈所慳

有懷梁益舊遊

土堠累累復隻悠然殘夢對寒缸亂山落日葭萌驛古  
渡悲風枯栢江虎印雪泥餘過跡樹經野火有空腔四方  
行役男兒事常笑韓公賦下龍

孤坐無聊每息江湖之適

世上元無第一籌此身只合臥滄洲  
檣搖漁浦蒼茫月帆帶松江浩蕩秋有酒人家皆可醉無僧山寺亦閑遊  
老來閱盡榮枯事萬變惟應一笑詡

子聿欲暫歸山陰見乃翁作惡遂不行贈以此詩



鐘鳴豈復夜行時文字相娛賴此兒欲去復留知汝孝未  
言先泣歎吾衰兩篇易象能忘老百畝山畝可免飢但報  
家僮多釀酒一欄紅藥是歸期

明年春晚史院奏書必得

暇日弄筆戲書

草書學張顛行書學楊風平生江湖心聊寄筆硯中龍蛇  
入我腕疋素忽已窮餘勢尚隱轢此興嗟誰同

謝王子林判院惠詩編

王從楊廷秀甚久

文章有定價議論有至公我不如誠齋此評天下同王子  
江西秀詩有誠齋風今年入修門軒軒若飛鴻人言誠齋  
詩浩然與俱東字字若長城梯衝何由攻我望已畏之謹  
避不欲逢一日來叩門錦囊出幾空我欲與馳逐未交力  
已窮太息謂王子諸人無此功騎驢上灞橋買酒醉新豐  
知子定有人豈必老鈍翁

對酒作

羨門安期何在哉河流上拆崑崙開白雲不與隱居老孤  
鶴自下遼天來春江風物正開美綠浦潮平拖初起算吹  
長笛發已陵曉挂高帆渡湘水世間萬變更故新會當太  
息摩銅人脫裘取酒籍芳草與子共醉壺中春

西湖春遊

靈隱前天竺後鬼削神刻作巖岫冷泉亭中一樽酒一日  
可敵千年壽清明後上巳前千紅百紫爭妖妍鼙鼓聲  
鞠場邊鞦韆一蹴如登仙人生得意須年少白髮龍鐘空  
自笑君不見灞亭耐事故將軍醉尉怒訶如不聞

局中春興



天知病眼困風沙，借與蓬山閱物華。  
微暝已迎新到燕，輕陰猶護欲殘花。  
幽窗寂寂書圍座，倦枕時時夢過家。  
立馬庭前還小駐，不妨閒試半甌茶。

春日絕句

吏來屢敗哦詩興，雨作常妨載酒行。  
忽見家家插楊柳，始知今日是清明。

故園蛺蝶最多種，百草長時花亂開。  
窮巷春風元不到，一雙誰遣過牆來。

桃李吹成九陌塵，客中又過一年春。  
餘寒漠漠城南路，只見鞦韆不見人。

便恐東皇促駕回，小軒無事且鳴盃。  
不知何處桃花落，一片飛從屋角來。

楊家園裏醉殘春，醉倩傍人拾墮巾。  
紅紫飄零不須歎，東君渠自是行人。

東軒花時將過感懷

小軒風月得婆娑，盡付流年與嘯歌。  
細數一春今過半，正令百歲亦無多。  
還家常恐難全壁，閱世深疑已爛柯。  
只欲閉門揩倦枕，晚風無奈落花何。

社雨晴時燕子飛，園林何許覓芳菲。  
江山良是人誰在，天地無私春又歸。  
殘史有期成汗簡，修門即日挂朝衣。  
人生念念皆堪悔，敢效淵明歎昨非。

與兒輩泛舟遊西湖一日間晴陰屢易

逢著園林卽款扉，酌泉驚筍欲忘歸。  
楊花正與人爭路，鳩語還催雨點衣。  
古寺題名那復在，後生識面自應稀。  
傷心



六十餘年事雙堦依然在翠微

得子聿到家山後書

日日春陰愁出戶汝今恰遇十分晴  
桑林紫椹纍纍熟稻壠青秧漫漫平  
夢好定知行路健書來深慰倚門情  
柯橋道上山如画早晚歸舟聽鶻聲

春晚

新綠成陰小雨時幅巾蕭散與閒宜  
燕歸赴訴經年別鶯晚分疏出谷遲  
曉枕呼兒投宿酒算窗畱客算殘碁  
翛然此意風塵表正恐羲皇未必知

上章納祿恩畀外祠遂以五月初東歸

身似霜松老不枯乞骸猶得侍清都  
百錢濁酒渾家醉六月飛蟲徹曉無  
美睡不愁開客攬遊自有小兒扶買山

尚恐巢由笑敢問君王覓鏡湖

羣玉峰頭孤夢斷五雲溪上野舟回  
傷人鷗鳥自然熟到處藕花無數開  
麥飯不饜常面槁柴門閒掩自心灰  
雨來正作盆山地不怕冥冥半月梅

此身惟有一躬耕乞得餘年樂太平  
東觀並遊收昨夢西湖重到付來生  
一堤草露明晨照半浦荷風颭晚晴  
歷歷歸途皆勝事江亭先聽櫂歌聲

初歸雜詠

雪滿漁蓑雨墊巾超然無處不清真  
胷中那可有一事天下故應無兩人  
騎馬每行秋棧路喚船還渡暮江津  
酒樓僧壁畱詩徧八十年來自在身

小園五畝翦蓬蒿便覺人間迹可逃  
盡疏珍禽添爾雅更



書香草續離騷藥苗可斲攜長鑊黍酒新成壓小槽老入  
鷓行方徹悟一官何處不徒勞

乞得身歸且浩歌蕭然生世寄漁簑茶甘半日如新啜墨  
妙移時不再磨山寺蹋雲頻獨往鄰家穿竹自相過棊枰  
勝負能多少堪笑傷人說爛柯

遊山

古寺不來久入門空歎嗟僧亡猶見塢樹老已無花世事  
雖難料吾生固有涯慙慙一梳月十里伴還家

美睡

老來曾次掃崢嶸投枕神安氣亦平漫道布衾如鐵冷未  
妨鼻息自雷鳴天高斗柄闌干繞露下雞啼膈膊聲俗念  
絕知無起處夢為孤鶴過青城

連陰欲雪排悶

先生經旬甑生塵藜羹不污白氎巾魯連敢謂天下士摩  
詰要是山中人王維自稱山中人溪從灘瘦愈刻厲山自木落增  
嶙峋雲重惟愁雪欲作梅花忽報一枝春

晚歲幽興

殘年欲遂迫期頤追數朋儔死已遲卜塚治棺輸我快染  
鬚種齒笑人癡近聞有以補齒為業者野梅墮地草生後街柳拂  
鞍冰泮時滿眼雲山不須買剝傾新釀賦新詩

對食戲作

霜餘蔬甲淡中甜春近靈苗嫩不歛采掇歸來便堪煮半  
銖鹽酪不須添

春前臘後物華催時伴兒曹把酒盃蒸餅猶能十字裂餽



餽那得五般來

甲子立春前二日作

頭風初愈喜身輕書卷時開覺眼明  
養熟犬雞隨坐起性靈烏鵲報陰晴  
韭菘釘餛春盤好芝朮蕝和臘藥成  
自笑衰殘殺風景燈時不擬入重城

鄰曲

濁酒聚鄰曲偶來非宿期拭盤堆連展

淮人以洗鬴煮黍名麥餌

和蜀人以烏特將新犢青桑長嫩枝  
豐年多樂事相勸且伸眉

初春書懷

數掩蘆藩竝水居一家全似業樵漁  
春寒例謝常來客老病猶貪未見書  
馴雀正緣拋食慣芳蘭官為碍門鉏  
藥苗

滿鉢無人共賴有溪僧為破除

甫及春初日已長偶同鄰曲集山房  
囊盛古墨靴紋皺護新茶帶胯方  
老境不嫌來冉冉流年直恐去堂堂  
清泉冷浸疎梅益共領人間第一香  
愚公不解幾安危行盡人間惡路岐  
難似車登苑退嶺險如舟過馬當  
祠平生憂患常難測送老安閒敢自期  
一事不成應有命惟將知止報明時

送子虞吳門之行

相送何由插羽翰淡煙微雨暗江干  
孤懷最怯新春別病骨難禁昨夜寒  
尊酒汝寧嫌魯薄金羹翁自絮吳酸  
此詩字字俱愁絕忍淚成篇却怕看

幽居春晚

幽居春晚

幽居春晚



雲歸禹穴賞新晴酒買蘭亭散宿醒竹帶鞭移俄盛出鶴  
全窠買已長鳴故山雖媿收身晚外物元如脫髮輕只恐  
村鄰成間濶杖藜隨處叩柴荆  
老廢讐書病廢詩晝閒惟與睡相宜未尋內史流觴地又  
近龐公上塚時花發遊蜂喧院落筍長馴鹿入藩籬石蛇  
山下春如許野老來招不用辭

山行贈野叟

垂白衰翁住道邊突間猶喜續炊煙壁如龜筮難占卜瓦  
似魚鱗不接連幼學及時兒識字官租先衆吏無權與君  
俱長宣和日握手相看一悵然  
莫笑孤村生理微茆茨煙火自相依客來旋掃青苔榻日  
在先關白版扉婦女憂蚕租葉去兒童耘麥荷鋤婦散人  
世襲江湖號剗欲溪頭借釣磯

六言雜興

失馬詎知非福亡羊不妨補牢病裏正須周易醉中却要  
離騷

舉足加劉公腹引手將孫郎鬚士氣日趨委靡賴有二君  
掃除

廣平作梅花賦少陵無海棠詩正自一時偶爾俗人平地  
生疑

題旅舍壁

地廣風號木天高日脫雲村名步頭換縣界驛前分蒿艾  
春侵路雞豚莫識羣敲門就炊爨一飯敢忘君

春晚雨中作



再冉流年不貸人東園青杏又嘗新方書無藥醫治老風  
雨何心斷送春樂事久歸孤枕夢酒痕空伴素衣塵良途  
回首濤瀾惡賴有雲山著此身

枕上

病叟少安枕驚禽無穩棲慵占賈誼鵬空感祖生雞野勢  
風號北窗痕月過西元非破賊手只合架牛犁山中惟鳥鳴終夜雞  
三鳴後聞架犁則旦矣

夏日

入戶桐陰漸覆牀乍敷笛簟北窗涼筇枝倚壁知身健衣  
焙殘香覺日長雨霽斷雲時聚散風來纖草久低昂蝶衣  
粉溼猶飛嬾小駐闌干就夕陽

久雨

梅天一日幾陰晴對酒無聊醉不成巧曆莫能知雨點孤  
桐那解寫溪聲林深鳥爵來無數艸茂鉏耨去卽生明日  
雲開天萬里御風吾欲過青城

復雨

催喚兒童埽綠苔長歌清嘯興悠哉林間子墮知梅熟水  
面痕生驗雨來往事已成孤枕夢故人誰共一尊開自憐  
未負年華在素扇團團月樣裁

門屋納涼

機裂齊紈如素月牀敷蕲簟起微瀾行人遠不分眉目過  
鳥高猶響羽翰新長庭槐夾門綠無窮陂稻際天寬今年  
項里楊梅熟火齊驪珠已滿盤

午睡



梅黃雨足喜初晴投枕華胥夢已成帳底香雲疑未散手  
中書卷墮無聲簾紋似水飛蠅避鼻息如雷稚子驚癡腹  
便便竟何有已將嘲弄付諸生

游昭牛圖

游昭木石師李唐畫牛乃自其所長出欄切聽一聲笛意  
氣已無千頃荒客居京口老益困衣不揜脛鬚眉蒼時時  
弄筆眼力健驍角毛骨分毫芒我無沙堤金絡馬拂拭此  
幅喜欲狂乞骸幸蒙優詔許置身忽在煙林傍日落飲牛  
水滿塘夜半飯牛天雨霜俚醫灌藥美水草老巫訶禁祓  
不祥願我孫子勤農桑願汝生犢筋脈強確聲驚破五更  
夢歲負玉粒輸官倉

出近村歸偶作

朝騎小蹇出煙村擁路爭看八十身似我猶爲一好漢問  
君曾見幾閒人楊梅線紫開園晚蓴菜絲長入市新莫笑  
堅頑推不倒天教日日享常珍

書事

聞道輿圖次第還黃河依舊抱潼關會當小駐平戎帳饒

益南亭看華山

饒益寺南亭盡得秦華之勝

關中父老望王師想見壺漿滿路時寂寞西溪衰草裏斷  
碑猶有少陵詩

華州西溪郡老杜所謂鄰縣亭子者

鴨綠桑乾盡漢天傳烽自合過祁連功名在子何殊我惟  
恨無人快著鞭  
九天清蹕響春雷百萬貔貅扈駕回不獨雨師先灑道汴  
流滾滾入淮來



新涼示子適時子適將有臨安之行

竹簟紗厨事已非，秋清初換熟練衣。  
鵲驚山月栖還起，螢避溪風墮又飛。  
老眼漸昏書嬾讀，壯心雖在事多違。  
夜窗剗欲挑燈語，日倚柴門望汝歸。

八月四日夜夢中作

太華巉巖敷水長，白驢依舊繫斜陽。  
山深乳洞藥爐冷，花發雲房醅瓮香。  
鄰叟一樽迎谷口，蠻童三髻拜溪傍。  
中原俯仰成今古，物外自閒人自忙。

明日復理夢中作意

白盡髭髯兩頰紅，頽然自以故名翁。  
客從謝事歸時散，詩到無人愛處工。  
高挂蒲帆上荳鶴，獨吹銅笛過垂虹。  
閒人浪跡由來事，那計猿驚蕙帳空。

又明日復作長句自規

大學淵源不易窮，古人立志自童蒙。  
醉猶溫克方成德，夢亦齋莊始見功。  
痛哭孰能悲陷溺，力行猶足變雕蟲。  
太空雲翳終當散，吾道常如日正中。

村居遣興

追數交朋略散亡，臂孱足蹇固其常。  
一年又見秋風至，孤夢潛隨夜漏長。  
不辨誦經如倚相，頗能噉飯勝張蒼。  
回看薄宦成何味，只借朝衫作戲場。

萬里征途興已闌，三間破屋住猶寬。  
山薑著雨房重斂，南燭先霜實半丹。  
野市秋陰更蕭瑟，書生老瘦轉酸寒。  
掩關也有消愁處，一卷騷經醉後看。

甲子秋八月偶息出遊往往累日不能歸或遠至傍



縣凡得絕句十有二首雜錄入彙中亦不復詮次也  
錄三首

早攜書劍三隨計晚辱弓旌四造朝心媿石帆山下叟一  
生不識浙江潮  
著囊藥笈每隨身問病求占日日新向道不能渠豈信隨  
宜醉答免違人

藥麤野老偏稱効詩淺山僧妄謂工懷筵裹茶來問訊不  
妨一笑寂寥中

遣舟迎子適因寄古風十四韻

今日坼汝書一讀眼爲明知汝即日歸明當遣舟迎想汝  
片帆東翩若飛鴻征薄暮過梅市咿謳雙櫓聲到家亦尚  
早城樓初發更草草一尊酒爲汝手自傾夜分不能寐頓  
忘衰病嬰豈惟病良已白頭黑絲生暫別亦不惡益重父  
子情自今日相守北窗同短檠六經燭久伏百氏方縱橫  
世俗擯孤學未易口舌爭此責在學者草萊勿自輕汝壯  
艾未死相勉在力行

飯後偶題

環堵蕭然百慮忘天教得飯飮枯腸長橋鮓美桃花嫩北  
苑茶新帶胯方漠漠寒花欹晚照翩翩孤蝶弄秋光解衣  
捫腹西窗下賴有新詩破日長

感管

行年三十憶南遊穩駕滄溟萬斛舟常記早秋雷雨霽柁  
師指點說琉球  
馬瘦行遲自一奇溪山佳處看無遺酒壚強挽人同醉散



去何曾識是誰

負琴腰劍成三友出蜀歸吳歷百城最是客途愁絕處巫

山廟下聽猿聲

岳陽三伏正炎蒸爽氣淒風見未曾白浪蹴天樓欲動當

時恨不到黃陵

送子坦赴鹽官縣市征

父子團樂笑語譁豈知雲散各天涯長亭結束秋將晚別

酒淒涼日易斜我坐老年艱就養汝非仰祿官離家遊山

尚有平生意試為閒尋一鹿車機中欲作一小肩輿輕駛結實兩夫可舉者以備山

行

寄子坦

目斷西陵細靄中章亭想汝繫孤篷頗憂昨暮雲吞日以

黑雲接落日猶幸今朝雨壓風就食亦知難戀戀挂帆終為風雨之候

恨太忽忽塞沙不是無來雁頻寄書歸問老翁

書感

老荷寬恩許退耕絲毫無報亦何情民貧樂歲尚艱食道

喪異端方肆行黨禍本從名輩出弊端常向盛時生古人

骨冷青松下誰起英魂與細評

遣興

兔徑遊觀足蝸廬臥起寬垂名千古易無媿寸心難燈火

娛清夜風霜變早寒一經家世事吾興未應闌

農舍

三農雖隙亦匆忙稼事何曾一夕忘欲曬胡麻愁屢雨未

收蕎麥怯新霜



神農之學未爲非日夜勤勞備歲飢雨畏禾頭蒸耳出潤  
憂麥粒化蛾飛

萬錢近縣買黃犢襪行當東作時堪笑江東王謝輩唾  
壺塵尾事兒嬉

杜門雖與世相違未許人嘲作計非長縷雲邊牽犢過小  
舟月下載犁歸

### 出遊

一樽隨處可開顏此事深疑造物慳地可登臨多恨遠身  
常強健又須閒山園小市煙初斂霜著橫林葉半殷徙倚  
闌干君勿厭日斜猶及棹舟還

漁村酒市本無期小蹇扁舟信所之丹葉滿林霜落後紫  
萍黏塊水枯時山林間寂歸雖早齒髮衰殘病已遲努力

### 及時謀自適錦囊多貯算秋詩

山有籃輿步有舟放翁身健得閒遊牛羊點點日將夕蒲  
柳蕭蕭天正秋細徑僧歸雲外寺疎燈人語酒家樓歸途  
更愛湖橋月獨倚闌干爲小留

### 風雨夜坐

寒風淒緊雨空濛舍北新丹數葉楓欹枕舊遊來眼底掩  
書餘味在胸中松明對影談玄客篠火圍爐采藥翁君看  
龜堂新境界固應難與俗人同

### 舟中曉賦

水落霜清水鳥呼扁舟夜泊古城隅吹殘畫角鐘初動低  
盡寒空斗欲無浪迹已同鷗境界遠遊方羨雁程途高檣  
健席從今始遍歷三湘與五湖



漁家

江上漁家水蘸扉閒雲片片傷苔磯釣收鷺下虛舟立橋  
斷僧尋別徑歸海近岡巒多迤邐天寒霧雨正霏微羊裘  
老作桐江叟點檢初心幸未違

感答

神女祠前猿夜鳴相公溪上草初生重遊惟有西窗夢一  
點燈青夢不成

白帝城邊鶯亂啼憶騎瘦馬踏春泥老來感舊多悽愴孤  
夢時時到灤西

小益晨裝雨作泥南沮涉水馬長嘶山腰細棧移新路驛  
壁流塵闇舊題

曾從征西十萬師白頭回顧只成悲雲深駱谷傳烽處雪

密嶓山投獵時

少時失脚利名間寸步何曾不險難造物恐人渾忘却夢  
中憂患尚如山

客懷

客懷病息兩悽悽瘦馬長韉濺雪泥道左忽逢曾宿驛壁  
間閒看舊留題村醅酸薄陳山果旅飯蕭條嚼凍齋何處  
人問非夢境恍然重到劔關西

雜書幽居事

抱瓮窮園叟還山老布衣歿邊常得活關處偶容歸釣恐  
魚吞餌棋憂客墮機此心君會否洗盡百年非  
庭曠多延月齋空半貯雲松聲行路共泉脈近鄰分采藥  
九蒸曬朝真三沐熏林間有叢杞繞屋夜猿狖



探梅

歲月相尋豈有窮  
早梅喚醒醉眠翁  
坐中酒量人人別  
花底春風處處同  
白帝城邊微雪過  
青衣江上夕陽紅  
錦囊空復殘詩在  
分付悲歡一夢中

社飲

東作初占嗣歲宜  
蠶官又近乞靈時  
傾家釀酒無遺力  
倒社迎神盡及期  
先醉後醒驚老憊  
路長足蹇歎歸遲  
西村漸過新塘近  
宿鳥歸飛已滿枝

自近村歸

雪晴村路尚殘泥  
茅屋清寒正要低  
野渡船虛飛鳥集  
煙村路近蹇驢嘶  
堅頑那復愁空索  
老健猶能伴架犁  
蹴榻不僵君會否  
更須百瓮享黃齋

除夜

野水楓林屋數椽  
寒爐無火坐無壇  
殘燈耿耿愁孤影  
小雪霏霏送舊年  
椒酒辟瘟傾潑滌  
藍袍停鬼舞  
跼蹐從今供養春  
薺美莫羨愚公日  
萬錢

自開歲陰雨連日未止

江雲漠漠雨昏昏  
歸老山陰學灌園  
十里羊腸僅通路  
三家鐺脚自成村  
應時膾飴聊從俗  
耐久鍾馗儼在門  
近縣傳聞頗多盜  
呼兒插棘補頽垣

枯菊

翠羽金錢夢已闌  
空餘殘藥抱枝乾  
紛紛輕薄隨流水  
莫與桃花一樣看

春雨



倚闌正是受斜陽細雨霏霏渡野塘本爲柳枝畱淺色却  
教梅蕊洗幽香小露蝶粉初何惜暫溫鶯聲亦未妨造物  
無心寧徧物憑誰閒與問東皇

艸堂

幸有湖邊舊艸堂敢煩地主築林塘

辛幼安每欲爲築  
舍予辭之遂止

鹿

殘醅瓮葛巾溼插遍野梅紗帽香風緊病身那可敵春閒

晝漏不勝長浩歌陌上君無怪世譜推原白楚狂

陸氏舊譜云本

出接輿後

賞花

湖上花光何處尋朱朱白白自成林衰年何預傷春事閒  
客猶懷愛物心欲墮每愁風驟起正開却要日微陰蘭亭  
禹廟平生事一榼芳醪莫厭深

小雨

小雨明復闌餘寒去又來新苔綠砌上殘杏過籬開垂老  
身餘幾逢春心尚孩江天近寒食林外過輕雷

算春

辛夷海棠俱作塵鯨魚蓴菜亦嘗新一聲布穀便無說紅  
藥雖開不屬春

春晚小飲

病臥書齋一味慵今年春事又成空籜龍奮迅風雷際木  
筆凋零霧雨中平野草深黃犢健斷溪水長畫船通小兒  
偶得官樓酒蠶醢鱸乾一醉同

初夏幽居雜賦

曲曲羊腸徑疎疎麕眼籬渴蜂窺硯水狂蝶入書惟一枕



輕安夢數聯蕭散詩餘生已過足不必到期頤  
關地剪蓬蒿何曾歎作勞藥名尋本草蘭族驗離騷北澗  
穿籬過南山出屋高回頭看富貴何啻一秋毫

雨

家近蓬萊白玉京草堂東望不勝清初驚野色昏昏至已  
見波紋細細生殘醉頓消迎亂點微吟漸苦入寒聲只愁  
今夕虛簷滴又對青燈夢不成

龜堂初暑

淪漪一曲遠茆堂葛帳紗巾喜日長多事林鳩管晴雨依  
人海燕度炎涼深枝著子纍纍熟幽草照花冉冉香安得  
此時江海上與君袖手看人忙

初夏閒步村落間

薄雲韜日不成晴野水通池漸欲平綠萍忽低知鳥立青  
萍微動覺魚行醉遊放蕩初何適睡起逍遙未易名忽遇  
湖邊隱君子相攜一笑慰餘生

夜興

鬢毛飽受雪霜侵一褐蕭條寄故林簷雨滴回羈枕夢城  
笳喚起塞垣心平生耻露囊中穎垂老甘同爨下琴燈燼  
欲殘看瘦影不妨袖手坐愔愔

秋近

石榴萱草併成空又見牆陰莧葉紅茶醞頗妨千里夢簾  
涼初怯五更風新瓜落刃冰盤裏晚燕添巢回閣中身健  
流年供可樂故人自欠一尊同

秋懷



園丁傍架摘黃瓜  
村女沿籬采碧花  
城市尚餘三伏熱  
秋光先到野人家  
迢迢枕上望明河  
帳薄簾疎奈冷何  
不惜衣篝重換火  
却緣微潤得香多  
詩如水淡功差進  
身似雲孤累轉輕  
落葉擁籬門巷晚  
一枝藤杖且閒行

示子適

翁老兒窮不自支  
此心幸與古人期  
勞兼薪水奴初去  
典到琴書事可知  
藥杵無聲工忍病  
米困可埽耻言飢  
餘年有幾須相守  
萬里煙霄付異時

小雨

赤日炎熇勢未回  
川雲忽起亦佳哉  
舟衝細雨橋陰出  
蝶弄微風草際來  
檉柳不禁朝暮久  
芙蓉猶有二三開  
一年光景煩君看  
何怪昆池有劫灰

貧甚戲作絕句

處窮上策更誰如  
日晏猶眠爲腹虛  
飢則臥不起  
貧者之常也尚闕鄰

僧分供米敢煩地  
主送園蔬  
貸米東村待不回  
鉢盂過午未曾開  
飢腸雷動尋常事  
但誤生臺兩鵲來

北坐孤坐破三更  
庭戶無人有月明  
數種袴襦秋未贖  
羨他鄰巷搗衣聲

羅米歸遲午未炊  
家人竊閱乃翁飢  
不知弄筆東窗下  
正和淵明乞食詩

秋夕



浴罷紗巾出草堂一枝瘦杖倚桄榔  
蟬吟古柳聲相續月入幽扉影正  
方頻約僧碁秋漸健稍增書課夜  
初長亦知桑落宜蕩酒太息何時  
辦一觴

病中戲詠

八十行加二清秋住故山新涼足  
眠睡舊疾害躋攀雪白紛殘髻  
梳黃染病顏疲牛臥斜日羸馬  
噉枯菅貧廢兒孫學慈生僕妾  
頑贖衣時已迫貸米歲方難  
鉢僧嘲薄盤殮客笑慳從今謝  
還往惟有掩柴關

秋光

小圃秋光潑眼來老人憑几興悠  
哉翩翩蝴蝶成雙過兩雨蜀葵  
相背開雨足疎籬引荒蔓人稀  
幽徑長新苔貧家竈冷炊煙晚  
待得鄰翁賣藥回

秋夜息南都軍中

五丈原頭刀斗聲秋風又到亞  
夫營管如埋劍常思出今作閒  
雲不計程盛事何由觀北伐後  
人誰可繼西平眼昏不禁陳編  
得挑盡殘燈不肖明

幽興

蘭渚前頭湖水清了無俗事  
敗幽情雨淋茅屋隨時補日射  
油窗特地明庭樹晚鶯窺戶  
語鄰園秋筍過籬生芥菘漸美  
鹽醯足誰供貧家一釜羹

法雲僧房

八十衰翁有底忙水邊山際亦  
悵悵清溪橋斷舟橫岸小塢梅  
殘雨漬香數點青燈經野市  
一爐軟火宿僧房自嫌尚有人  
間意却爲春寒怯夜長



對酒

密篠持苦屋寒廬用織簾

東坡養猪肉訣云淨洗鍋少著水柴

頭起不起煙

蓴菜豉初添黃甲如盤大紅丁似蜜甜街頭桑葉

落相喚指青帘

雨夜起行室中

老疾逢秋體自輕披衣暫起繞牀行  
隙風不斷燈將滅簷雨如傾階欲平  
鰥叟何嘗愁枕冷病夫未免待窗明  
拂書洗硯龜堂上幽事誰知日有程

閏月辛酉壬戌連日風雨癸亥早晴

殘雨在簷猶點滴斷雲銜日正蒼涼  
清愁偏向暮年覺少睡不禁秋夜長  
簾影漸生禽語樂杵聲初動藥塵香  
諸兒作吏俱安否那得藥風至汝傍

予諸子伯叔季皆出仕

偶與客話峽中舊遊

我昔旅遊秋雨細建平城東門欲閉  
主人迎勞語憚聯小婦春炊縞衣袂  
長年三老半醉醒蜀估峽商工算計  
須更燈闌人欲眠泊船卸馱猶相繼  
山深水險近蠻獠往往居民雜椎髻  
卽今屈指四十年懷抱淒涼真隔世

客中作

江天雨霽秋光老野氣穿雲淨如掃  
投空飛鳥雜落葉極目斜陽襯衰草  
平沙爭渡人鵠立長亭下馬障泥溼  
纍纍紅果絡青篾未霜先摘猶酸澀  
客中雖云貪路程買薪糶米常留行  
茆簷獨坐待童僕不聞人聲聞磴聲

遊近村

行歷茶岡到藥園却從釣瀨入樵村  
半衰半健意蕭散不



雨不晴天晏溫暑蘋傍籬寒引蔓菖蒲絡石瘦生根參差  
燈火茅簷晚童稚相呼正候門

客從城中來

客從城中來相視慘不悅引杯撫長劔慨歎  
滅我亦  
為悲憤共論到明發向來酣鬪時人情願少歇及今數十  
秋復謂須歲月諸將爾何心安坐望旄節

村興

結宇楓林下久窮吾所安村淡事自簡累少食差寬雨闌  
牛眠屋泥深鴨滿闌呼兒擣粉餌準擬賽鄰官

秋晚書懷

頽然兀兀復騰騰萬事惟除歎未曾無奈喜歡閒弄水不  
勝頹健遠尋僧喚船野岸橫斜渡問路雲山曲折登却笑

吾兒多自在夜分未滅讀書燈

夢中作

繫馬朱橋上酒樓樓前敷水拍堤流春風又作無情計滿  
路楊花靦雪毬

大慶橋頭春雨晴行人馬上聽鶯聲祥符西祀曾迎駕惆  
悵無人說太平

初冬絕句

鱸肥菰脆調羹美麴熟油新作餅香自古達人輕富貴例  
緣鄉味憶還鄉  
道途冬暝衣裘省村落年豐鼓吹喧下麥種麴無曠土壓  
桑接果有新園

卽事



雲起山空改潮生浦面寬寒鴉先雁到烏柏後楓丹年邁  
孤裝帽時新豆搗糲非關嗜溫飽更事耐悲歡  
避居無外事白日不勝長詩爲窮差進琴雖老未忘映窗  
精試墨閉閣苦畱香年少無相誦功名事更狂

題詹仲信所藏米元暉雲山小幅

俗韻凡情一點無開元以上立規模鏡湖老監空揮淚想  
見楚江清曉圖

徽宗見元暉楚江清曉圖大加賞歎

一棹朝南算北風奇峰倒影綠波中定知漸近三山路認  
得漁翁是放翁

雜興

此身漂蕩等流槎又向江村送歲華急雨遇寒凝作雪明  
燈無地結成花座懸鏡古森毛髮既聚茶香爽齒牙况是

貧家多樂事阿開漸學手吒叉

稽山行

稽山何巍巍浙江水湯湯千里亘大野勾踐之所荒春雨  
桑柘綠秋風秔稻香村村作蟹棧處處起魚梁陂放萬頭  
鴨翳覆千畦薑春碓聲如雷私債逾官倉禹廟爭奉牲蘭  
亭流觴空巷看競渡倒社觀戲塲項里楊梅熟采摘日  
夜臥翠藍滿山路不數荔枝筐星馳入侯家那惜黃金償  
湘湖蓴菜出賣者環三鄉何以共烹煮鱸魚三尺長芳鮮  
初上市羊酪何足當鏡湖瀟衆水自漢無旱蝗重樓與曲  
檻歛灑浮湖光舟行以當車小繖遮新粧淺坊小陌間淡  
夜理絲簧我老述此詩妄繼古樂章恨無季札聽大國風  
泱泱



病後作

骨相坐一寒仕宦經百謫晚入文昌省又坐煩言噴詔書  
復收召付以大典册期年甫奏篇皇恐亟自劾歸來稽山  
下三食新穫麥草屨布帑襦徒步老阡陌今年疾屢作况  
若將歸客道士言犯土拜章安舍宅巫言神去幹剪紙招  
魂魄把臂忽自悟此豈屋漏脉盡去囊中藥默觀鼻端白  
正氣徐自還鬼子何足磔

道院雜興

征途暗盡舊貂裘歸臥林間喜自由體倦尚憑書引睡心  
安不假酒攻愁丹爐弄火經年熟竹院聽琴竟日留今日  
理髻還一笑白間時有黑絲抽

早歲知聞久已空歸然猶有瀟城翁東樓誰記傾春碧

蓋古揚州也有東樓劇醜本北嶺空息擘晚紅北嶺在福州予少時與友人朱景參會嶺下僧舍時秋晚荔子獨晚紅在冉冉流年霜鬢外累累荒塚綠  
蕪中琳房何日金丹熟老鶴猶堪萬里風

山村經行因施藥

閒行偶復到山村父老遮畱共一樽曩日見公孫未晬如  
今已解牧鷄豚  
逆旅人家近野橋偶因秣蹇暫逍遙村翁不解讀本草爭  
就先生辨藥苗

歎老

身歷遄回事萬端天教林下養衰殘文編似是他人作書  
卷如曾隔世觀久已悠悠置恩怨况能一一記悲歡牀頭  
周易真良藥不是書生強自寬



戲遣老懷

平生碌碌本無奇况是年垂九十時阿囷略如郎罷老釋  
孫能伴太翁嬉花前騎竹強名馬階下埋盆便作池一笑  
不妨閒過日歎衰憂歎却成癡

舊襲家風號散人晚承恩詔賜閒身放在泥酒都忘老厚  
價收書不似貧霜曉方驚羣木脫春晴又喜一花新先生  
偶出人難遇陌上爭先看角巾

新晴

夜雨空階滴到明山雲忽斂作新晴門前月淡有簷影牆  
外泥乾無屐聲與世日疎愁易遣入春得喚疾差平便當  
剗作滄洲趣寄語沙鷗勿敗盟

新歲

改歲鍾馗在依然舊綠襦老庖供餽飢跣婢暝屠蘇載糗  
送窮鬼扶箕迎紫姑兒童欺老曠明燭聚呼盧

新曆歎

新曆在手心怕開日月連翩相續來黃金散盡自一快白  
髮不貸真可哀無為健羨廣成子千二百歲終有死膠不  
可黏西去日刀何由翦東流水酒無醇醑但痛飲市醞上  
尊俱醉耳堂堂七尺死即休不飽鳥鳶飽螻螿

東籬

漫道淡居晝掩關東籬栽接不曾閒每因清夢遊敷水自  
覺前身隱葦山花發時時攜綠酒客來往往羨朱顏藥爐  
安著猶無地擬展茆茨一兩間

東偏隙地作疎籬遇興無非一笑時陪客投壺新罰酒與



兒鬪草又輸詩山桃溪杏栽俱活藥鑿魚竿動自隨家事  
猶令罷關白固應黜陟不曾知

村夜

入春雨雪無休日雨止猶陰未快晴萬竅怒號風不定半  
輪斜照月微明百年辛苦農桑業五處睽離父子情但得  
平安已爲幸孤燈殘火過三更時子虞調官行在子龍阻  
風西陵子修在闕子坦在  
海昌子與子布子通守舍

夢中作

世事何由可控搏故山歸臥有餘歡澗泉見底藥根瘦石  
室生雲丹竈寒人遠忽聞清獻起山閒頻得異書看一朝  
出赴安期約萬里煙霄駕紫鸞

新晴

寂寂房櫳鳥雀聲巢籠茶竈正施行繁花滿樹春纔半斜  
日穿雲雨乍晴引睡書橫猶在架圍棋客散但空枰病懷  
莫道傷幽獨小榼芳醪手自傾  
挂冠湖上遂吾初捫腹消搖適有餘羹煮野蔬元足味屋  
茨生草亦安居市墟分熟通賒酒鄰舍情淡許借驢更喜  
新晴滿窗日籤題重整一牀書

春日雜賦

羈懷病息正厭厭詩卷漁竿信手拈老境何嘗忘一笑春  
風也解到窮閭殘花滿地無餘萼新筍掀泥已露尖轉老  
轉窮君勿笑熊蟠魚腹豈容兼

鬢毛八九已成霜此際逢春只自傷苦雨不容花抵敵餘  
寒猶賴酒禁當退紅衣焙熏香冷古錦詩囊覓句忙堪笑



散人閒事業西窗容易又斜陽

唐樂府云牀上小窰籠韶州新退紅

江湖放浪水雲人藥物枝梧夢幻身移竹南窗初試筍埽花北陌旋成塵窮忙自笑常終日老健猶能不負春未遂初心惟一事乞薪賒米惱吾鄰

乞得身歸剡曲邊衡門茆舍共蕭然向來誤計守書冊此日遣愁無酒錢俗客如閒來袞袞流年欺老去翩翩梨花楊柳清明過且向江頭剝放顛

梅市算歸三山

白日蠻童佩一壺壺乾時亦復村酤橫林露埕遠猶見算靄籠山淡欲無綠浦例憑蒸作界西撓常遣鷺前驅此身元是滄浪客敢學高人乞鏡湖

春晚

村巷泥濘晝掩門倚闌搔首一消魂花經風雨人方憊士在江湖道更尊擘浪忽看魚對躍入雲時見鶴孤鶩向來莘渭今安在歎息誰能起九原

雜感

早仕讒銷骨遲埽悔噬臍短衣猶掩脛窮巷固多泥婢喜蚕三幼鄉中謂蚕眠爲幼奴貪雨一犁衡茆明我眼刮膜謝金篦春晚晴還雨杯深醉復醒溪添半篙綠山可一窗青藥品隨長鏡花名記小屏閒身幸無事吟嘯送餘齡

雜題

半飽半飢窮境界知晴知雨病形骸軒昂似鶴那求料枯槁如僧不赴齋

大兒都門久栖栖小兒調官今復西鄰家父子我所羨泥



水沒膝扶叅犁

出遊歸鞍上口占

渺渺煙波飛漿去迢迢野徑策驢還寄懷楚水吳山外得意唐詩晉帖間每惜好春如我老誰能長日伴人閒世間自是無兼得勛業元非造物悭

雨

曉望橫斜映水亭算看飄灑溼簾旌不嫌平野蒼茫色實厭空階點滴聲上策莫如常熟睡少安毋躁會當晴且將穡事傳童稚未插秧時正好耕

初夏閒居

雲液初筍小瓮香風漪乍展北窗涼巢乾燕乳蟲俱哺花過蜂閒蜜滿房閉戶不知春已去鈔書但覺日方長所嗟

詩思年來減虛負奚奴古錦囊

川雲漠漠雨冥冥濁酒閒傾不滿瓶蚕簇尚寒憂繭薄稻陂初滿喜秧青王師護塞方屯甲親詔優民已放丁病起自憐猶健在不須求應少微星

松棚黯黯接虛堂埽地燒香旋置牀密葉畱花供淺酌斷雲障日作微涼高城薄暮聞吹角小市豐年有戲場白首史官閒盡歲祇將搜句翕流光

城上朱旗夏令初溪頭綠水蘸菰蒲花貪結子無遺萼燕接飛蟲正哺雛簫鼓賽蚕人盡醉陂塘移稻客相呼鄉中謂庸

工者長安青蓋金羈馬也有農家此樂無爲客翠茗清風兩腋生西窗雅具愜幽情薰衣過後篝爐冷展卷終時嬾架橫巢燕何曾擇貧富鳴鳩元不爲陰晴但能



與物俱無著小草新詩取次成

野水楓林久寄家慣將枯淡作生涯小樓有月聽吹笛深  
院無風看磴茶靜岸葛布穿蒼蔚閒拖筇杖入谿徭平居  
每與兒孫說切勿人前一語誇

水邊茆屋兩三間野叟幽人日往還兩卷硬黃書老子數  
峰破墨西廬山功名會上元須福生死津頭正要頑試說  
龜堂得力處向來何啻半生閒

煮酒青梅次第嘗啼鶯乳燕占年光蚕收戶戶繅絲白麥  
熟村村搗麩香民有袴襦知歲樂亭無桴鼓喜時康未嘗  
一事橫胸次但曲吾肱夢自長

子適調官得永平錢監待次甚遠寄詩寬其意蓋將  
與之偕行也

黃紙起家陞仕籍青衫遡闕拜恩光署街汝勿憎銅臭就  
養吾方喜飯香世事極知多倚伏人生正要小回翔但令  
父子常相守斂版扶犁味總長

### 梅市

沙際人家半掩扉俗炊小住不相違水生溪面大魚躍風  
定草頭雙蝶飛竹院遊僧聞鼓集煙畦老圃荷鋤歸浩然  
物外真堪樂回首浮生萬事非

### 初夏幽居

日長巷陌曬絲香雨霽郊原割麥忙小擔過門嘗冷粉微  
風解籜看新篁傍籬鄰婦收魚筍叩戶村醫送藥方欲到  
湖邊還嬾動悠然扶杖立斜陽

虛堂一幅接離巾竹樹森疎夏令新瓶竭重招麴道士牀



空新聘竹夫人寒龜不食猶能壽弊帚何施亦自珍枕簟  
北窗寧有厭小山終日對嶙峋

野草幽花無歇時一窗終日對東籬病猶獨醉雖堪笑老  
未全衰亦自奇古紙硬黃臨晉帖矮牋勻碧錄唐詩箇中  
疑是忘憂處問著山翁却不知

東園梅熟杏初丹老子披襟每不冠古硯坡陀麝煤綠小  
山蔥蒨石盆寒移牀剝欲眠松塢鼓柁還息泊蓼灘未用  
絲毫辨差等黃塵終勝客長安

泛舟至近村茅徐雨舍勞以尊酒

小舸悠颺亦樂哉迢迢故取北村回山從樹外參差出水  
自城陰曲折來樂歲共忘東作苦殘租不待急符催舊鄰  
父老睽離久喚取開顏把一盃

林間書意

三三兩兩市船回水際柴門尚未開垂綠笳梢風正惡弄  
黃梅子雨初來紅螺盃小傾花露紫玉池深貯麝煤領取  
林間閒富貴向來誤計伴鄒枚

地僻

地僻臨湍瀨門幽長綠苔客書疑誤達僧刺媿虛來清露  
蘋花坼斜陽燕子回自憐猶有恨佳日對空壘

夏末野興

半世天涯倦遠遊還鄉不減旅人愁數聲相應鳩呼雨一  
片初飛葉報秋山塢風煙僧院路河梁燈火酒家樓絕知  
雪鬢宜簑笠分付貂蟬與黑頭

漠漠川雲闔復開天公試手挽秋回參差小市林邊出縹



縵疎鐘雨外來土墻飯香供晚餉布帘字大賣新醅歸舟  
自逐輕鷗去不用城笳抵歎催

劇暑

六月暑方劇喘汗不支持逃之顧無術惟望樹影移或謂  
當讀書或勸把酒卮或誇作字好蕭然却炎曦或欲溪上  
釣或思竹間碁亦有出下策買簞傾家貲赤脚蹋層冰此  
計又絕癡我獨謂不然願子少置息方今詔書下淮汴方  
出師黃旗立轅門羽檄晝夜馳大將先擐甲三軍隨指揮  
行伍未盡食大將不言飢渴不先飲水驟不先告疲吾儕  
獨安居茂林蔭茆茨脫巾濯寒泉臥起從其私于此尚畏  
熱鬼神其可欺坐客皆謂然索紙遂成詩便覺窗几間颯  
颯清風吹

縱遊溪山隨所遇記之

行穿犖确度谿衍路跨清溪一木斜歷盡巖危到平地壞  
垣欹屋兩三家  
山徑欹危細棧通孤村小店夕陽紅竹郎有廟臨江際木  
客無家住菁中  
道逢山客束荆薪口眼睢盱略似人試問村名瞠不語割  
然長嘯上嶙峋  
古寺蕭蕭不見僧飛甍滿屋老梟鳴空房終夜無燈火斷  
木支門睡到明

池上

旋移吟榻竝池橫欲出柴門復嬾行樹罅忽明知月上竹  
梢微動覺風生貧無醉日惟堅忍疾遇涼秋亦漸平二尺



燈檠元好在便息相伴聽蛩聲

秋後一日風雨

炎歊數日劇蕩滌及秋初病葉風吹盡鳴蟬雨打疎趁涼  
謀社酒藥潤理園蔬分喜寧無處蒲中鱖鱖魚

秋息

詩人本自易悲傷何況身更憂患場烏鵲成橋秋又到梧  
桐滴雨夜初涼江南江北候雙雙燈暗燈明更短長安得  
平生會心侶一尊相屬送年光

小病兩日而愈

病骨羸然山澤臞故應行路笑形模記書身大似柳子忍  
事癯生如瓠壺美酒得錢猶可致高人折簡孰能呼不如  
淨掃茅草地臥看微香起瓦爐

龜堂一隅開窗設榻爲小憩之地

併欄簷蔔障斜陽旋置臨階八尺牀小展窗扉無大費略  
加苫蓋有餘涼老來愈覺歲時速夢裏不知途路長試問  
神遊向何處月明揮榜上瀟湘

秋懷

客思殘荷外農功晚稻前祭多巫得職稅足吏無權浦溆  
家家釣村墟點點煙歸舟葛衣薄始覺是秋天  
曩得治中俸湖山偶卜居身嘗著禾譜兒解讀農書遇事  
絕欣厭接人均戚疎乾坤雖浩浩等付一蘧廬  
秋暑雖猶在晨興氣已清蠻童掃荒徑獠婢滌空鐺病樹  
有凋葉殘蟬無壯聲書生守故態已復理燈檠

病臥



老境偏饒臥秋天，言晴愁憑書解散。病仗藥支撐果熟，鳥鳥樂村溪鷄犬。是頭定何似，頗說募新兵。

秋夜獨坐聞田鼠吹聲

收盡浮雲見素娥，青三無脉映明河。時平里巷吹彈鬧，歲熟人家嫁娶多。高會不知清夜永，散歸想見醉顏酡。小窗燈火晶熒處，也有人應之月歌。

自述

早畏危機避巧丸，長安未到意先闌。心如老馬雖知路，身似鳴蛙不屬官。閒駕柴車無遠近，旋沽村酒半甜酸。羣兒何足勞情怨，胸次從初抵海寬。

秋興

困儲赤米枝梧飯，篋有青氈準擬寒。政使堆金無處用，不

須常貯一錢看

白頭茱萸美醅齋，熟頰尾魚鮮斫。餽成却對盤殮三太息，老年一飽費經營。

懲羹吹齋豈其非，亡羊補牢理所宜。白頭始訪金丹術，莫笑龜堂見事遲。

放翁老矣欲何之，采藥名山更不疑。但入剡中行百里，姓名顏狀有誰知。

鼙鼓華鯨響寺廊，殘蕪落葉弄秋光。蹇驢繫著門前柳，閒覓題名拂敗牆。

小築

小築隨高下，圍池皆自然。鋤山得靈藥，斲坎遇寒泉。幽檻花房斂，淡林果蒂駢。鄰翁亦好事，相伴送流年。



寓興

窮巷無來客秋風獨浩歌壯年閒處老佳日病中過甚欲  
攜長鑱仍息擁短蓑逢山皆可隱不必上三峩

行飯至湖上

行飯消搖日有常青鞋又到古祠傍蕪滿路無多綠落  
葉投空不待黃只道詩書能發豈知博塞亦亡羊此身  
只合都無事時向湖橋看戲場

秋晚雨中作

新雁南來歲又殘蕭蕭風雨暗江干客疎似悉爾來病酒  
薄不禁如許寒草絡籬頭花尚碧樹常浦口葉初丹醉來  
且擁黃紬睡莫問何時后土滋

湖村

四十來居湖上村翩翩七見改初元風初解簾竹齊母露  
築成陰桐有孫渴鹿出林窺藥井馴鷓掠水飭棊軒老人  
不用誇頑健時看孫曾浴盆

曉寒

悠悠殘夢伴殘更萬木三三六  
鴉鳴欲闌聞井汲月  
痕漸淺覺窗明突煙騰君及初動衣焙筆筆火已生小閣  
翻書裘褐暖早朝霜滑現公卿

南門散策

結字溪一曲兩山左右之橫木以為門  
剝啄客門壯固不施登路壞莫補石罅生  
名丹實何藥藥村童摘不訶吾亦愛吾足

十月







勃落爲衣隱薜蘿掃空塵抱養天和過期未久更強健與  
世不諧猶嘯歌野市蕭條殘葉滿酒家零落廢壚多石甃  
山下孤舟雨俗問君如此老何

幽事

老大常愁節物摧東皇又挽斗杓回江天慘慘不成雪山  
驛蕭蕭初見梅隱士寄雲從地肺遊僧問路上天台戲書  
幽事無時闕古錦詩囊算其開

山房

擾擾人間歲月移山房幾度換茅茨身遊與世相忘地詩  
到令人不愛時老鶴初來未丹頂釋松親種已虬枝東塗  
西抹非無意皺面朱鉛太不宜

感舊

雕鞍送客雙流驛銀燭看花萬里橋二十三年真一夢節  
簷寒雨夜蕭蕭

禹祠

祠宇嵯峨接寶坊扁舟又繫西橋傍鼓添滿筋蕁絲紫蜜  
漬堆盤粉餌香團扇賣時春漸晚夾衣換後日初長故人  
零落今何在空弔顏垣墨數行

見事

流光莫恨去聯翩見事還疑勝昔年細改新詩須枕上少  
畱劇飲待花前陰陰竹塢安茶竈淺淺蘋汀著釣船物外  
家風吾豈敢散人名號亦充員

初春幽居

滿榼芳醪手自攜陂湖南北埭東西茂林處處見松鼠幽



圃時時聞竹鷄零落斷雲斜  
日霏微過雨未成泥老民  
不預人間事但喜農疇漸可犁

小築園林淺鑿池身閒隨事得遊嬉  
幽花折得露猶溼嘉木移來根不知  
小蝶弄晴飛不去珍禽喜靜語多時  
風光未忍輕拋擲聊付詩囊與酒卮

春遊

梅市移舟過古城此行亦未闕  
逢迎負薪野老無妻子施藥山人  
隱姓名風雨偏宜宿茅店鹽醢不  
遣到藜羹宣和版籍今誰在似是  
天教樂太平

羸臥

羸臥將如老景何小園風月且婆娑  
茶因春困論交密酒爲家貧作態多  
馬上元無聽雞句原頭那有飯牛歌  
自憐

遠屏猶多事賣藥歸來買釣簑

幽事

跌宕人間歲月遷賞心幽事故依然  
潮通支浦漁舟活露溼繁花醉帽偏  
才盡賦詩愁壓倒氣衰對奕怯饒先  
光陰風月空如昨悵望蘭亭被襖年

算春新路至湖上示元敏

時雨作未成蒸溽思出門湖塘直  
東西行人各歸村翻翻鳥投林杳杳  
鐘鳴昏羊牛爭迳路煙火出短垣  
吾兒望未到誰與共盤飧幽獨多惻  
愴且復攜斯孫歸來蓬窗下聊可與  
晤言

春陰溪上小軒作

午醉初醒倚釣軒悠然無與共清言  
風微僅足吹花片雨



細纔能見水痕杳杳暝鐘浮遠浦離離煙樹識孤村故人  
萬里岷山下安得書來慰斷魂

比遣書問張季長消息於都下未報

自九里平水至雲門陶山歷龍瑞禹祠而歸凡四日  
細雨如絲映晚暉店家小憩換征衣春農耕罷負犁去村  
社祭餘懷肉歸黃犢自依殘照臥白鷗爭傍小灘飛道邊  
舊識凋零盡誰記遼天老令威

老子無心老尚狂山程隨處寄佺佺雲歸岫穴初收雨水  
入陂塘正下秧野客就林煨燕筍蠶家負籠采雞桑遠遊  
萬里知何樂却喜東歸住故鄉

老子山行宵遽回直穿犂硯上崔嵬未誇脚力如平簪且  
喜眉頭得暫開廟後故梁龍化去山前遺箭鶴銜來囊錢  
已盡君無笑州州猶能把一杯

輿似雞栖寄兩竿山程三月尚春寒麥苗吐穗初成實梅  
子生仁已帶酸買飯猶勝乞墦客看耕僭學勸農官還家  
莫道虛懷袖筍蕨隨宜亦滿盤

點點桃花糝綠苔入門倚杖意悠哉數聲茶飯齋初散一  
片溪雲雨欲來老宿龍鍾嗟獨在高松磊砢憶新栽世間  
萬事俱難料未死重遊更幾回

### 春晚卽事

桑麻夾道蔽行人桃李隨風旋作塵煜煜紅燈迎婦擔  
蓼畫鼓祭蚕神

龍骨車鳴水人塘雨來猶可望豐穰老農愛犢行泥緩幼  
婦憂蠶采葉忙

### 雜詠



鏡中顏狀年年改海內交朋日日疎一慟寢門生意盡從  
今無復季長書近聞張季長物故

女郎花樹新移種官長梅園亦探租作盡人間兒戲事誰  
知空橐一錢無鄉人謂楊梅止日梅官長其高品也

一日日寤寤不醒一年年老老如期黃河却有逢清日白  
髮應無返黑時

早至園中

湖上空濛雨熟梅清晨岸幘一悠哉幽花不恨草埋沒密  
樹豈知禽去來舊爲愛茶分水器近緣炊爨得琴材小丘  
僅見山如髻尚媿韓公八尺臺

南堂晨坐

鏡湖清絕似瀟湘晨起焚香坐草堂日暖遊絲垂百尺花  
殘新蜜釀千房綠桑糝箔開蠶食白永翻車漫稻秧莫道  
付翁殺風景也能沽酒會年光

雨晴

早曠常思雨沉陰却喜晴放船蓮蕩遠岸幘竹風清淮浦  
戎初遯興州盜甫平爲邦要持重恐復議消兵

秋晚雜興

咎遇高皇起衆材姓名曾得廁鄒枚年踰八十猶賒灰却  
伴那翁斲芋魁

老病侵凌不可當時時攬鏡自悲傷西風吹散朝來酒依  
舊衰顏似葉黃

冷落秋風把酒杯半酣直欲挽春回今年菰菜嘗新晚正  
與鱸魚一併來



閒遊所至少畱得長句

垣屋參差桑竹繁，意行漫漫不知村。眼明可數遠山疊，足健直窮流水源。鷺引釣船經荻浦，牛隨牧笛入柴門。試尋高處休行李，清絕應須入夢魂。

太平人物自諧嬉，及我青鞋布襪時。丁壯趁晴收早粟，比鄰結伴絡新絲。圓髻坎坎迎神社，大字翩翩賣酒旗。晤語豈無黃叔度，欲尋幽徑過牛醫。

夏日雜詠

閒居自無客况復，百如焚百折赴溪水。數峰當戶雲幽尋，窮鹿徑靜釣離鷗。舊愛南華語，今方踐所聞。

南堂雜興

新涼一夜入郊墟

巾爽有餘，燕欲委巢，雜盡去。

三生鄰者及秋離方去盡扇猶在手，意先疎。題詩又滯，牛腰束采藥常

攜鴉觜鋤湖上，從今風月好不妨。隨處命籃輿。

奔走當年，忒差歸休別覺，是生涯。茆簷喚客，家常飯竹

院隨僧自在茶。紹興初僧喚客茶各隨意多禪欠徧參寧

得隨詩緣，獨學不名家。如今百事無能解，只擬清秋上釣

槎。

曉息

昏昏斷夢帶餘醒，取髮披衣坐待明。城角吹殘河漸隱，海氛消盡日初生。老晨自得當年樂，癡子方爭後世名。莫怪閉門常嬾出，卽今甲蓋爲誰傾。

秋雨書感

新春赤米摘青蔬，一飽從來不願餘。門外久無溫卷客，架



中寧有熱官書濁 豈未廢時時歎短髮猶須日日梳自笑  
少年風味在瀟川 燈雨正愁予

晨起開門雪滿簪 禾崗一徑得幽尋 斷雲殘雨歲華晚丹  
實碧花秋意密林 卜已悲身老病人間猶與俗浮沉 咄  
小甕今朝熟又喚 鄉翁共淺斟

秋息

桑竹成陰不見門 十羊分路各歸村 前山雨過雲無迹 別  
浦潮回岸有痕  
老子齋居罷擊鮮 不盤竹筍每隨緣 鄰僧不用分香鉢 蓮  
芡猶堪過半年

秋日村舍

川雲慘慘欲成雨 伯麥蒼蒼初覆土 芋肥一本可專車蟹  
壯雨螯能敵虎 村村婚嫁花 方帽廟廟禱祠神 降語 孫  
力稼供賦租 千年萬年報明土

秋感

扶杖龍鍾迫耄期 江湖木落更堪悲 醉中光景似得志 夢  
裏朋儕如少時 落筆龍蛇仲 家帖 為國器 一 滿懷風月李  
長詩前朝名勝凋 零盡百歲 歸心只自知  
聖世優容許乞身 歸來猶幸 齊民漁家那有懸車地 蔬  
食何施祝鯁人 獠婢臨溪漂 繁蠶童掃葉續炊薪 生涯  
如此仍秋算 賴是從來慣處

紹興辛未至丙子六年 間予年方壯 每遇重九多與  
一時名士登高於 叢山 宇泰閣 距開禧丁卯六十  
年 憂患契濶 何所不 有追數同遊諸公 乃無一人



在者而予猶強健慘憺不能已賦詩識之

故里登高接雋遊卽今不計幾番秋一樽尚與菊花醉萬  
事不禁江水流薄命雖多亦闔巷逢時亦有至公侯若論  
耄歲朱顏在窮達皆當輸一籌

老健

年垂九十身猶健竹屋荆扉不厭低挈盃自沽淡巷酒擁  
衾遙聽別村雞家添豚柵還堪賦路認牛欄每不迷惟恨  
窮秋開霽少晚來小雨又成泥

寓歎

交世非初志謀生又絕疎家貧息辟穀人忌恆知書門  
回軒巷築無秃尾驢老頑  
短髮不禁搔紆悲積澗源收溪瀨急木落寺樓高善

餘何欠看雲亦足豪今朝有奇事江浦得霜螯

題僧菴

細路穿雲塢危橋渡野塘人稀土花碧 老瓦松長憂患  
雙蓬鬢裝資一布囊燒薪餘暖今夜有新霜

秋冬之交雜賦

嶺下晨炊黍津頭算繫寒潮吞別浦老木慘蒼煙市徙  
新山步耕侵古廟塢間不蓄憤橄爰醉江天  
霧雨林塘晚風霜聚落寒衣冠存籩農圃備艱難春簞  
麴供餌蒸炊豆作團此心如古井無地延濤瀾

梅市暮歸

老境惟閉門不與事物接時逢佳山水尚復快登涉山程  
策小蹇水泛搖短楫今茲稅駕地佳事章和豐雲生溼行



滕風細掠醉頰旅羹玉糝僧飯敷白氎葑火煨芋魁瓦  
甑炊豆莢經行出幽圃懷抱頗自愜枯籬絡丹實澗堆  
黃葉白雲橫谷口綠篠穿山脇還家寧迫暮取各羞徑捷  
何當倚蒲龕一坐十小劫

霜夜

月淡霜清夜漏遲疎鐘杳杳度南坡燈殘有恨欲誰語雞  
老無聲如我衰使入蜀川方在道書傳滄浦定何時若爲  
可遣閒愁得獨擁寒爐爨豆其時方附蜀中便舟寄書張  
季長家又未得古壽書每

關懷

醉歌

不癡不聾不作翁平生與世馬牛風無才無德癡頑老爾  
來對客惟稱好相風使帆第一籌隨風倒柁更何憂亦不  
求作佛亦不願封侯亦不須脫裘去換酒亦不須賣劍來  
買牛甲第從渠饜梁肉貂裘本自出兜鍪燮理陰陽豈不  
好纔得閒管晴雨如鵝鳩辛苦築壘拂雲祠不如吟歎風  
月登高樓爾作楚舞吾齊謳身安意適死即休

雪意

風吼江郊雪意濃雲如兩陣決雌雄山寒酒過平時量窗  
黑書虧半日功閒話更端茶竈熟清詩分韻地爐紅不須  
遽覓華胥路更俟天花落坐中

晚晴出行近村閒詠景物

雪雲吹盡木陰移正是先生曳杖時老特行將新長犢空  
桑臥出寄生枝醫翁算過囊探藥筮叟長占手布著誰謂  
人間足憂患未妨古俗自熙熙



郊行

山色埽石黛江流漲翅塵春晴不終日老病動經旬竹密有啼鳥村深多醉人東阡與南陌處處寄閒身

開歲屢作雨不成正月二十六日夜乃得雨明日行

家圃有賦

東風吹雨破天慳行圃歸來剗解顏百草吹香蝴蝶鬧一溪漲綠鷺鷥閒老來每歎論心少貧甚方知覓醉難猶賴籃輿無恙在呼兒結束入南山

園中晚飯示兒子

一飽何心慕萬鍾小園父子自相從虻蜂布陣雨將作蛺蝶成團春已濃澗底束薪供晚爨街頭糴米續晨舂盤餐莫恨無兼味自饒荒畦摘芥菘

書况

自從請老鏡湖濱萬事不關林下人鴉去鴉歸還過日花開花落又經春官微也過千重浪身在依然一幅巾晨突有煙吾事了濁醪不復惱比鄰

魯墟舟中作

春浦南來元不到画橈偶復入鷗羣人家遠火林間見船底微波枕上聞山口正衙初出月渡頭未散欲歸雲錦囊詩草新寥落得句猶堪寄一欣

恩封渭南伯唐詩人趙嘏爲渭南尉當時謂之趙渭

南後來將以予爲陸渭南乎戲作長句

老向人間久倦遊君恩乞與渭川秋虛名定作陳驚坐好句真慙趙倚樓棧豆十年霜病馬煙波萬里著浮鷗就封



他日輕裘去應過三峰處處留

幽居

宿志在人外清心遊物初猶輕天上福那習世間書薺菜  
挑供薺槐芽采作薺朝脯兩摩腹未可笑幽居

海棠歌

我初入蜀髯未霜南充樊亭看海棠當時已謂日未覩豈  
知更有碧雞坊碧鷄海棠天下絕枝枝似染猩猩血蜀姬  
豔粧宜讓人花前頓覺無顏色扁舟東下八千里桃李真  
成僕奴爾若使海棠根可移揚州芍藥應羞歎風雨春殘  
杜鵑哭夜夜寒衾夢還蜀何從乞得不歎方更看千年未  
爲足

湖上

綸巾羽扇影翩翩湖上徜徉莫計年桃李已忘疇簪分禽  
魚猶結後來緣山前虛市初多筍江外人家不禁煙莫恨  
幽情無與共一雙白鷺導吾前

初夏書感

春與人俱老花隨夢已空遊蜂黏落蕊輕燕接飛蟲桑梓  
知蚕起牲肥賽麥豐爲農當自力相戒勿怱怱

初夏喜事

箕穎元非爭奪場瀟湘自古水雲鄉采茶歌裏春光老煮  
繭香中夏景長斂版早知遊宦惡署門晚悟世情常茹芝  
却粒雖無術散髮猶當效楚狂

閒遊

好事湖邊賣酒家杖頭錢盡慣曾賒爐邊醉眠經日開



過紅薇一架花

初夏雜興

終日頽然蠹簡中  
門前煙水浩無窮  
百年等是一枯塚  
四海應無兩放翁  
栗玉長枝挑苦筍  
胭脂小把翦防風  
地偏日永閒無事  
擬著珍蔬譜一通

書興

占得溪山卜數椽  
飽經世故豈猶全  
入門明月真堪友  
滿榻清風不用錢  
便歿也勝千百輩  
少畱更過二三年  
湖橋有酒能來醉  
一棹何妨作水仙

池亭夏書

造物寧非念老生  
池亭幽事悉施行  
羣魚聚散忽無迹  
孤蝶去來如有情  
小磴落茶紛雪片  
寒泉得火作松聲  
曲肱假寐翛然寤  
不爲敲門夢不成

卽事

放翁老去未忘情  
鏡裏森然白髮生  
一片常愁見花落  
三聲最怕聽猿鳴  
年年雙隻路過嶼  
夜短長城上更晚  
悟一條差似可孤舟  
漁火看潮平

野性

野性從來與世疎  
俗塵自不到吾廬  
醉中往往得新句  
夢裏時時見異書  
釋子那偷服藥酒  
家僮尚護放生魚  
今朝更有欣然處  
引得清泉灌晚蔬

讀史

王侯到底是虛名  
何物能爲我重輕  
徒步出關胡不可向  
來常笑棄繻生



自古功名亦偶諧胸中要使浩無涯可憐赫赫丹陽尹數  
穎檳榔尚繫懷

病戒

憂身如憂國畏病如畏亂此身雖幸健敢作無事看禍福  
在呼吸恐懼兼寢飯人所忽不省我息嘗熟爛夜臥不安  
席晨起寧待旦雖云親藥石得失每參半人情喜一快往  
往觸剽悍收功寧使遲覆敗不可玩

小築

小築竝湖堤茅茨不厭低引泉澆藥圃斫竹樹雞棲夕靄  
山常淡秋蕪路欲迷平生草玄手老去學鉏犁

欲雨

從穴中庭蟻爭巢後圃鳩物情猶慮患人事得忘憂

笑作計日益左正似鳩拙巢不及蚕自裹霜寒衣未贖瑟  
縮附殘火作詩數十年所得良鎖鎖弱松困蔓纏何日見  
孺柯洞庭可遠遊秋風息揆施

獨坐

博山香霧散翻翻袖手何妨靜掩扉六十年前故人盡  
中往還朋舊今乃無一人在八千里外寄書稀  
自張季長下世蜀中書問幾絕昨朝送客桐江去今日逢僧剡縣歸欲作小詩還復嬾海鷗與我  
雨忘機

初冬雜詠

重陽已過二十日殘菊纔存三四枝對酒插花君勿笑從  
來不解入時宜  
古壽書來言得堦東陽人到報生孫一家三處俱強健且



撥閒愁近酒尊  
微風蹙水靴文浪薄日烘雲  
湖底處欠漁船  
老去胸中百事真  
同遊無復白頭新  
漸馴來不避人  
鵲從熟後頻分食  
鹿

小江

出郭四十里孟冬天尚和  
風生帆力健木落月明多  
小市人聲散長橋炬火過  
吾生幾來往撫枕獨悲歌

短歌行

富貴得意如登天自計一  
跌理不全晝食忘味夜費  
眠渠過一日如一年春蚕  
得衣畊得食農功初成各  
休息賣酒壚邊紛鼓笛我  
過一年如一日二者求兼  
勢安可與我周

旋寧作我春城桃李豈不  
妍雪澗未妨松磊砢人生  
禍福難遽論廟犧烏得為  
孤豚君不見獵徒父子牽  
黃犬歲歲秋風上蔡門

冬日排悶

地爐微火伴寒灰垂野江  
雲暝不開欲睡手中書自  
墮半酣窗外雪初來渡頭  
照影聞征雁籬角吹香得  
早梅佛粥春盤俱不遠離  
離斗柄欲東回

湖山尋梅

鏡湖渺渺煙波白不與人  
間通地脉騎龍古仙絕火  
食慣住空山蓄冰雪東皇  
高之置度外正似人中巢  
許輩萬木僵死我獨存本  
來長生非返魂

小雪湖上尋梅時短帽亂  
插皆繁枝路人看者竊相  
語此



老胸中常有詩歸來青燈耿窗扉心鏡忽入造化機墨池  
水淺筆鋒燥笑拂吳箋作飛草

讀唐人愁詩戲作

少時喚愁作底物老境方知世有愁  
忘盡世間愁故在和身忘却始應休

清愁自是詩中料向使無愁可得詩不屬僧窗孤宿夜即  
還山驛旅遊時

書歎

尺椽不改結茅初薄粥猶羶卒歲儲  
鴉子解迎門外客狸奴知護案間書  
溪林閒數新添筍小沼時觀舊放魚  
自笑從來徒步慣歸休枉道是懸車

晚步湖隄

緇裘桐帽野人裝又上湖隄步夕陽  
貧甚不為明日計興來猶作少年狂  
殘樽倒酒無餘瀝幽圃尋梅認暗香  
時有行人歎頑健黑絲點破頰間霜

春日雜興

小甌有米可續炊紙鳶竹馬看兒嬉  
但得官清吏不橫即是村中歌舞時

出仕常騎秃尾驢歸休自駕折轅車  
今朝偶遇村夫子借得齊民一卷書

更事多來見物情世間常恨太忙生  
花開數數鳥鳴日出遲遲却是晴

四十餘年學養生誰知所得亦平平  
體身不犯寒時出路溼常尋乾處行



卷一百一十五  
攪睡禽聲曉，傷簷泥人花氣。午穿簾櫺，清老去，年年薄困。思春來日日添。

算春龜堂卽事

雨

疊

風日初和，晝漏長蕭然。巾屨集，茆堂雨餘千。羣真山綠花  
落一溪春水香。斷簡牘中塵委積，故人墓上草荒涼。願來  
幸有寬懷處，病退牀頭減藥囊。

差上

日月無根去，若馳故園。又見落花時。盃中綠酒，不宜飲鏡  
裏蒼顏。應自知千丈新堤，湖水滿五更殘。漏角聲悲，算年  
父子難垂，隔淮浦書來苦覺遲。

殘年

殘年光景易駸駸，屏迹江村不厭深。新麥熟時蚕上簇，晚  
鷺啼處柳成陰。短檠已負觀書眼，孤劍空懷許國心。惟有

雲山差可樂，杖藜誰與伴幽尋。

閒詠

蕭蕭華髮映烏巾，五十年前故史臣。正使老來無老伴，未  
妨閒處作閒人。按行池水知增耗，點檢庭花見故新。更有  
菴中策勛事，投牀鼻息聒比鄰。

事業無聞負聖時，滄波自照角巾。歛養成林下無窮嶼，占  
盡人間徹底癡。小麥繞村苗鬱鬱，柔桑滿陌椹纍纍。習翁  
笑叟真堪友，搜索殘尊與共持。

初夏

新綠陰中燕子飛，數家煙火自相依。童誇犢健浮溪過，婦  
閤蚕飢負葉歸。地煖小畦花未長，泥融幽徑藥苗肥。郊居  
樂事何勝數，一醉旗亭又典衣。



山房

柴門不掩俗人稀成就山房一段奇  
木槩最宜新雨後鳥聲更勝暮春時  
家貲屢罄緣耽酒宿習猶存爲愛詩  
別有一條差自慰木苗芎苗正離離

窗下戲詠

飛來山鳥語惺惚却是幽人半睡中  
新竹成陰無彈射不妨同向北窗風  
三尺清池鏡面平剪刀槩底戲魚行  
吾曹安得如渠樂傍渚跳波過此生  
何處輕黃雙小蝶翩翩與我共徘徊  
綠陰芳草佳風月不是花時也解來

病中雜味

身是人間一老樵城南烟水寄迢迢  
尋人偶到金家峻取米時經杜浦橋  
小市孤村鷄喔喔斷山幽谷雨蕭蕭  
吾曹自養無能爾楚客應無隱可招  
身似頭陀不出家杜陵歸老有桑麻  
茶煎小鼎初翻浪燈應寒窗自結花  
殘藥漸離愁境界亂書重理淡生涯  
等閒一事還超俗斷紙題詩字亂斜

示兒

死去元知萬事空但悲不見九州同  
王師北定中原日家祭無忘告乃翁



止齋詩鈔

五六

陳傅良字君舉居溫州瑞安縣之帆遊鄉學于永嘉薛氏得伊洛之旨又從南軒東萊聞為學大要其名益高為太學錄累遷至嘉王府贊讀龍樓閣問寢不時獨切諫每以天性感悟孝宗父子後知上意弗回遂乞歸寧

初除中書與朱子同朝疏畱朱子為韓侂胄所忌詆學術不正遂罷去杜門居一室曰止齋嘉泰二年復提舉江州起知泉州力辭授寶謨閣待制尋卒于家初從薛氏自井田王制司馬法八陣圖之屬該通委曲皆可施之實用復研精經史貫穿百氏以斯文為己任故其詩格亦蒼勁得少陵一體云

讀范文正公神道碑有感佚事

止齋詩鈔



武侯不可致元德造其廬公在衰經中乃上時政書維時  
君臣定事與草昧殊出處千載同豈必名迹如行伍拔大  
將寒饑得名儒推轂天下士百年用其餘生平慕河汾未  
許王魏俱慙勤八司馬意獨何區區自古朋黨論消復莽  
無期誰令羣疑亡韓富及有為惜哉公不見功名止西陲

送宋國博叅議江東分韻得夜字前年上幸學一時

同舍今去略盡為之悵然

南門供帳江上亭北門觴酒湖邊榭兩年出餞略可數往  
往行人半同舍憶昔翠華臨壁海儒先一日爭聲價蘇君  
舌掉巫峽水楊君氣奪幽并夜黃君石屹不可轉夫子居  
然古彙學艾軒風流天下少獨奏咸韶無獲夏黃梁未熟  
事如髮曰髮不生心亦怕古來賢俊多坎軻道與世違胡

足詫武皇好少臣已老孟子尊王君尚霸嗟乎夫子幸遭  
時諸公滾滾皆流亞德尊不過五品薄歲晚曾無一節暇  
君恩豈必間湖海家事姑惟問桑稼此行端可振頽俗令  
我短轅今欲駕

遊鼓山

鼓山聞天下一見名不空自從周職方閩在王會中登山  
亦幾人興寄隨所逢騎君常愒日遷客多悲風劔川發  
西萬阻與海通忽焉得平壤北山蟲其東我行未及巔已  
見國勢雄三韓到吳會不可道里窮俯瞰南來帆云云自  
朝宗曩時諸降王各撫千里封相招神銜圖旅獻東都宮  
東都今何如馬鳴蒿蓬一春長雨霧明日歸樊籠恣探  
泉石幽篝燈導歸筇



和林懿仲喜雪韻

常陽厥咎何君相疚朝夕愧莫慰羣黎凄其望三白是心  
與天通昨夜平地尺簑笠在東阡耰耨在西陌忍待明年  
飽欣及吾事隙海宇正無塵草木亦煥赫遙知紫宸朝千  
官手加額溫綸粲龍光賀牘交馬迹銜枚懸瓠城仗節居  
延澤獨擁藍關馬共飢滹沱麥更願吾君相對此念忠赤  
當令挾纊溫恩意到疆場有士如有年要豈且日積袁安  
自甘寢掃軌無過客

再和前韻

冬夜苦難曉短景復易夕安得戶牖光不待東方白恍如  
游化城瓊臺若干尺英華發林藪餘彩散阡陌平鋪浩無  
垠興入微有隙忍寒貪縱觀未願朝曦赫柳綿著歌茵梅  
片墮粧額皦然羣汗中有意欲比迹自識玉皇家癯仙陋  
山澤新來學爲農遭歲屢無麥穉子色恒饑老婢脚盡赤  
一飢今有待喜更問瓜場歸來看牀頭瓶粟幸餘積且以  
炊春醪號召已散客

除夜用前韻

又添犬馬齒常恐牛羊夕牙無數株牢髻已大半白六朝  
貴人家珊珊高數尺復有陵邑豪沃壤動連陌居然燕巢  
幙忽矣駒過隙伊傅亦中壽至今名赫赫蒼苔卧風雨曾  
乏斷碑額中原五十載 騎亂禹跡誰當懶折腰去學陶  
彭澤憂端壓不下中夜歌秀麥昭代豈無人腰黃眼前赤  
鴻儒籌策省壯士守邊場罷歌且杯酒澆此懷抱積柴門  
剝剝響已有賀年客



再用喜雪除夕二韻寄宗簡

百年彈指頃羣動不遑夕變彼情游者長夜浮大白豪俠  
 旁無人卧我樓百尺衲子縛禪靜不敢踐桑陌武夫髀肉  
 滿睥睨候邊隙道家求不死真火養陰赫躁人千速化自  
 點雷門額書生苦穿鑿奇字窮鳥迹何如吾老農一雨犁  
 春澤相忘與雞豚所辨纔菽麥不聞有孔子安識由與赤  
 紛紛舉世士肝膽自疆場老翁捧腹笑空洞無一積有來  
 問時事請以臆對客

送楊似之提舉湖南

昨日有客去分符今朝有客來攬轡蕨芽掇盡筍可刷送  
 客焉知老將至儒雅風流能有幾南宮先生無乃是十年  
 不復夢蓬山萬里何為隔湘水葉公歸然地官貳顏公領

袖天下士望聯郎署尤與何次第諸公亦連茹一時臺省  
 舊名德十見班行已三四可令僕馬病崔嵬獨抱蘭蓀吊  
 憔悴漁樵混迹山窮處故故官臨人不記酒半停盃問鬚  
 髮夜闌秉燭徵文字多時渴見痛折節萬事要看方得意  
 先生行矣扈甘泉請自此心扶大議薛士昭侍丞赴衡陽  
守之翌日而似之吏  
部至初似之與葉侍郎叔羽顏丞酒幾聖尚書郎尤延之  
何一之同在館學今皆還朝故併及之

哭呂伯恭郎中舟行寄諸友

去年上溪船落日建安旒今年上溪船濡露金華草當代  
 能幾人胡不白髮早念昔會合時心事得傾倒倚廬魚鼓  
 夜聯轡雞人曉遐搜接混茫細剖入幽眇挹注監溟渤扶  
 攜薄穹昊斯文何契濶之子復凋槁百年在無窮寥廓一  
 過鳥家人徵舊聞學者拾餘藁區區存萬一散逸誰可保



君看魯論上彭壽顏回夭于今懸日月豈必言語好儻無  
後來者泯沒秋毫小南浮吳蜀會北顧關河杳懷哉各努  
力人物古來少

和張孟阜尋梅韻

平生拙狀物出語輒自哈久欲頌梅花恒恐累紙寫不該  
羨子年少氣豪敏詩筒往往歲一來語不驚人意不止筆  
力待盡千松煤我以病驥追霜隼著鞭不上嗔人催置詩  
太息梅困我恨不縱斧尋條枚嗟乎孤山無人老坡死水  
邊竹外誰低徊我嘗欲擬禁字體不道雪月冰瓊瑰退藏  
物後獨笑傲奄有歲晚多驚猜紛紛自謂好顏色萬彙禿  
立皆堪哀模將此意入詩句十年未就梅空開君詩却怪  
梅不早令我內熱紅生腮強隨嶮韻終不滿今年又恐坐

看落片飛萼苦

送劉茂實宰奉新

遠別欲無寐細論誰有酒今當作劇縣君意亦樂不江湖  
吏道僻歲月民勞久救之敝精神自愛終袖手要中名甚  
美臆意物所咎君觀蘭桂林餘茂及樵額移根託客土顏  
色非故有贈言幾滿車一字堪皓首於焉但裁擇對越二  
三友諸賢在當路公論在衆口

送謝希孟歸黃巖四首

紛紛竹帛傳浩浩金石刻淪亡已無限存亦誰愛惜如何  
伏羲氏文字二三畫姬孔豈不聖用以演周易  
法令如牛毛斯鞅信手成簿書積丘山趙張眼愈明萬人  
立下風國勢尊且榮未省三代前誰獨有此名



圭壁襲纁藉山龍飾衣裳不聞燧古初而興自虞唐毀車  
崇騎射隸作篆籀藏至今人便之秦亦忽以亡  
累觴以爲歡班荆以爲儀交際貴如此勿使至意虧頰常  
怪小雅鹿鳴至魚麗賓主禮百拜六經似支離

寄題陳同甫抱膝亭

稻梁不難謀軒冕亦易得胡爲抱膝翁惻惻復惻惻秋風  
墮碧梧鳳鳥去無迹愁吟草際蛩兒女淚盈臆忽然一長  
嘯孤響起空寂令人識雅頌一唱三歎息室廬在路傍耕  
鑿在民籍行人聽笑語稚子共眠食讀書果何罪鬚髮又  
半白此意太勞勞此身長抑抑抱膝且不可出門更何適  
但勿問門外蓬蒿若干尺

送鮑清卿教授莆中

閩中豈不好菁中况多儒其山有丹荔其水有子魚艾軒  
諸老生典則故所餘堂堂退傅門海內欲曳裾宦游得此  
樂餞者酒滿車我亦勸君酒我意獨未舒嘗聞入林獵不  
可背水漁背水漁尚可背時更崎嶇方今朝廷尊紳笏日  
走趨官多豈勝記勢遠復易疎媒身衆所同藉口誰不如  
奈何但溫飽去向天一隅平生拙自謀蓬巷歲月除更事  
亦旣熟畫此未必愚豈有服蒞蘭佩之以瓊琚令人愛不  
見搔首空踟躕

送謝倅景英赴闕

言詩必南雅自節吾無譏嗟余生已晚觀人似觀詩人情  
日變化往事十九非相從飾邊幅欲語懷銜羈久不見官  
寺下與家人夷渡江六十年得此心目疑早從諸公遊晚



佐一郡治居嘗陳誼高動與作吏違大白浮朋簪單車款  
民扉多文雖素履用拙真良規二年意綢繆一別事渺瀰  
有酒公不飲贈言我何裨穆穆清朝班僉曰尚德宜何妨  
着此翁衣冠皓鬚眉

懷同舍石天民編修

山陰不得見見期在東陽東陽忽歲華欲往又阻長貽書  
輒無報有便復寄將以君懶於書我豈望得當永懷十年  
別動止曾莫詳君貌今何如孰與我老蒼就使白髮同脚  
力誰弱強日飮米多少飲酒可幾觴尚能甘寢耶比之昔  
對床嫂氏亦晚景吾婦伯姊行爲君過客頻膏沐當不常  
有兒若干人已未勝冠裳但要能磨門勿問鄙與臧一紙  
細說似慰此遙相望未乃及田舍何有還何亡丞郡祿已  
厚豈不可小康憶昔夜夢君託交少年場竦身而掀髯眸  
子炯炯光依然論時事悲壯淚以滂我方閉門嬉謁至卽  
暫忙婆娑松竹下細數秋葉黃舊志益凋落羣書半遺忘  
請君勿他及却使我意傷

夷門歌送修德還闕

萬古江入海吳蜀有不通不通誰使然人自爲異同昔在  
李孟錢士各懷土封靜言彼何尤亦各徇所忠恭惟宋受  
命二姓皆朝宗斯文已百年名世纔數公眉山與金陵奈  
何不相容大雅如關洛亦復互詆攻朋分文字間禍起師  
友中四郊忽戎馬塵滿夷門宮往事已覆轍後事如飄蓬  
一飮忘苦饑一褐忘苦冬身謀每不長王事靡有終有客  
獨惻惻萬里興殘衷相過話離合歷歷繇熙豐我久世慮



薄念之涕無從貧賤將安歸功名在其逢有能用斯人可使百阻空西人不爲西東人不爲東

述懷

有客盈門節不足有書千卷兒懶讀王公勞問場爭寵樵牧相忘盜騎屋古來堪笑如我少生無一事能恰好獨有居閑可引年我又不然華髮蚤

送王南強赴紹興簽幕四首

詞章行天下嘉賴二百年甲科至公卿誰敢謂不然有人妄媒孽一世所弃捐我亦欲護短諱不言幽燕汗簡在吾後覆車在吾前

人人尊孔孟家家誦詩書未省有宇宙孰與今多儒儒者道如砥豈其自崎嶇申以黃老廢賈以絳灌疎漢家嘗紛

紛政爾門戶殊

歷官如歷階越等多所傷奈何劫堂水持綆萬丈長誰無斯世方乃此抽手効永夜淚不禁仲尼故皇皇又聞雖小魯乘田問牛羊

聞之浙河東見之湘水南未歸却相送旣喜復不堪行矣乞自便帥幕或可參君方乘日長勉爲停朝轡我池有螭蟹我園有黃柑

題明皇醉歸圖

騎者兩人扶不正夾道誰知爲萬乘一人前馳一顧後懷欲並驅無號令狩人亦忘記鷹犬仰視只愁天欲墮有司刺侯上起居杳莫得詳宮鑰靜嗚呼開元自英主前鑒竟遺盈幅紙君不見漢宮圖妲已未必當年甚如是



送范憲東叔帥潼川四首

離逾十年合復十月離往日苦無及來日忽未知江源  
與海通吳會與蜀違通固天道常違亦物理宜勿作兒女  
感是中有精微

相從意氣豪相知鬢毛斑細說竟昨非淺斟始今歡每懷  
吾黨多未救此世難一則琢冰雪再則紉芝蘭騷人絕芳  
潔孰與風人寬

有書但遮眼有位亦養痾養痾猶近名遮眼已患多聊復  
歲晏爾奈此人遠何聲光正橫空議論如懸河宜君見別  
輕欵曲理則那

逢人九頓首遇事三折肱雖知少爲狂正復老可憎吾今  
有儲粟吾昔有短檠魯論訓何如周易讀未曾言歸又言  
歸兒女喚不磨

聞葉正則閱藏經次其送客韻以問之

順水去吳會逆水來夔門萬古逆順舟以斗占且昏曩余  
好百家信不及魯論初亦半喜愕久之乍亡存白髮一無  
成頗識委與源風停波自平却視消長痕六經夫如何夫  
子手所翻恒言但桑稼怪志無鵬鷗規圓而矩方往往萬  
巧攢諸儒各有得長短賢若干玉帛相會盟兵車相并吞  
一語苟暗合羣生皆晏溫經成今幾年嘗試以是觀此道  
未軻死此書未秦燔猶之斗經天於以生蓋渾西方亦人  
豪國自爲乾坤書來入中州坐使學者奔君豈捨從之或  
但遊其藩吾聞欲乘槎鑿空訪河根孰與瞻斗車把舵行  
江湍



憶筇杖

岷峨山下筇竹杖危者使安衰可壯秦皇漢武窮兵不可  
得我獨得之今丞相前年有旨還故園其冬急召朝日邊  
半歲驅馳數千里賴有此杖常扶顛倉皇又別脩門去私  
室無人謹呵護夜半雷霆下取將兒叫妻啼留不住我聞  
丞相下峽時一物無有杖自隨屬當晏朝立仗久憐我弱  
脛疲坳螭如今步履隨衰草十步趑趄九步倒假如杖在  
欲用之山精海怪震怒亦不保君不見杜陵桃竹歌常恐  
失之君山湖上之風波梓潼使君之贈尚爾耳况自丞相  
還何如

水仙花

江梅丈人行歲寒固天姿蠟梅微着色標致亦時胡然

此柔嘉支本僅自持迺以平地尺氣與松篁粹然金玉  
相承以翠羽儀獨立萬槁中冰膠雪垂垂水仙誰強名相  
宜未相知刻畫近脂粉而况山谷詩吾聞抱太和未易形  
似窺當其自英華造物且霽威平生恨剛褊未老齒髮衰  
掇花寘膽瓶吾今得吾師

止齋曲廊初成

但酒勝如水但花勝如草小廊曲通幽竹椽亦良好止齋  
十數間足以便衰老簷低遠風露地窄易汛掃淺溪浮薄  
觴短屏糊舊藁著書僅玄易過客多韋縞於中榜退思誰  
其諒淡抱吾思亦已晚吾退盍更早懷哉彭澤令仰止商  
山皓維淵有潛龍維岳有藏寶煌煌暮春堂三字落穹昊  
昭回際南極鎮撫及東島胡然迺在斯夙夜懼不保鬼神



無世情呵護必有道

次沈儉夫求花木韻

我意何不樂我顏復何憊止齋有新畚耕犢角已繭止齋  
有溪水釣席隨所便兩山夾精舍佳處迥廬峴朋來盡名  
流燕坐皆勝踐頽然止齋翁心故不可轉厭書或窺園乘  
興時陟爍日月之蔽虧木陰自幽顯雨露之密疎草色自  
深淺翁乎一觴詠初不着姝變易老探醇駁風騷較寬福  
眠食雖甚佳病患盍加勉詢篋况所招訟鉅那能辨於焉  
更悟入豈但苟排遣寄言子沈子所欲果何件葭豕來春  
田冥鴻脫秋彌谷蘭猶見初月桂不可攀慕遠失之近求  
多得常鮮請以壯縣才從茲益懷卷滾居勿近市隘巷莫  
容輦有花門擁篲無花地生蘚嘗試玩喧寂何者是真舛  
舊學枉初心新功費重研何如過止齋我亦精文選

送鄭少卿景望知建寧

屏廢誠愚分牢愁更索居若逢知己問猶解課兒書地僻  
門長閉年饑菜自鉏相望無一字不是古情疎

庚子除夜有懷

老益自酌共誰歌嘆息其如此夜何已覺二毛嗔婦問可  
堪一飲患兒多關河滿眼風塵在天地藏身歲月過事業  
文章吾所畏東陽人亦卧巖阿

送德遠弟赴省

科名雖細事文字要新功方拙存家學豐腴與衆同江湖  
多我友臺省半諸公爲道貧非病連簷有芥菘  
聞沈元誠歸自臨漳喜而奉寄



荔圃班班熟蠓房箇箇肥我雖緣此誤公亦爲何歸吏事  
生衣垢家山減帶圍不無華袞字卿月更光輝

和張孟阜歲旦韻

白髮朝看鏡青燈夜數更文章翰善宦名字誤浮生廢學  
兒鼾睡安貧婦餽耕從今定逢吉吾已卜先庚

天台王子木解官長樂見訪

夜深擘荔真愁絕春淺傳柑更惘然世事愛來欺兩鬢人  
生堪得別多年琢冰積雪江湖阻樹羽崇牙日月懸此理  
倉茫君勿問明朝且莫刺歸船

月夜書懷二首

送客門初掩收書室更虛新篁高過瓦涼月下臨除婦病  
纔扶杖兒饒或饋魚今朝吾已過莫問夜何如

道德吾何敢功名代有人倉黃恒畏咎班白揔憂貧細字  
書全廢淡杯酒勿親靜言空自愛萬古亦泯泯

題仙巖梅雨潭

袞袞羣山俱入海堂堂背水若重圍怒號懸瀑從天下傑  
立蒼崖夾道陳晉宋至今堪屈指東南如此豈無人結廬  
作對吾何敢聊向樵漁寄此身

游金巖趙園

脈脈循簷水林林夾岸山令兒從竹下領客入雲間稠木  
容人過懸崖着手攀從今名字出不到徑苔班

用前韻招蕃叟弟

細看物理愁如海遙想朋從眼欲花逆水魚兒衝斷岸貪  
泥燕子墮危沙百年喬木參天上一昔平蕪着處佳行樂



不妨隨邂逅我無官守似蜚蛙

蛙通作蠃

落花風雨奈愁何愁亦不應緣落花尚可流觴追曲水底  
須占鵬似長沙孟夏無人晤語鳥鳥樂為我食貧藁筍佳  
休說關河無限恨腹非空怒道有蛙

乙巳歲首寄彭子復徐子直

又過一年空草草尋思萬事太勞勞歲煩士友愁薪米日  
見兒童嘆鬢毛亂卉各隨分寸長新禽已變兩三號及時  
君亦圖良集莫待春深水一篙

和丁少詹韻

盡日支頤聽雨聲閑中惟得自知明朋來何敢煩公等老  
去方慚負此名待欲短檠看少作敢將尺牘論交情區區  
却望從容意要莫令人一座傾

明月隋珠忽墮前坐令衰颯意飄然無端太史頭搶地安  
得楊雄賦上天前鞏門墻餘幾在他時竹帛竟誰傳落花  
流水君愁不南渡于今六十年

和沈守持要觀潮閣留題

平生欲賦觀潮閣立盡斜陽倦復還一日江山蒙筆力百  
年名字滿人寰郡從晉宋風流後詩到蘇黃伯仲間向去  
摩挲看石刻誰知功在十年閑公閑居十年

奉陪王德修登觀海閣兼呈邑宰劉伯協

觀潮閣在東溟上有客來登自華陽不道雪山通老栢却  
看朝日上扶桑勝游氣合南三郡荆楊益也妙畫家傳晉  
二王後會不知誰與繼爾江吾海永相望

桂陽勸農



雨耨風耕病汝多誰將一一手摩挲幸因奉令來循壘恨  
不分勞去荷蓑涼德未知年熟不微官其奈月椿何殷勤  
父老曾無補待放腰鎌與醉歌

題范秀才萬卷堂

雅尚時相肯幽棲我數過兒應看客慣田孰與書多自析  
唐柳縣誰聯漢甲科儒門今有此天意定如何

楊伯子以其尊人誠齋南海集為贈以詩奉酬

得與門墻最不遲白頭方誦嶺南詩文從嘉祐今三變人  
在廬陵此一時細數儒先能幾見獨憐歲晚欲何之瀟湘  
直下長江去得望蓬萊却更疑

潭帥潘德鄰生辰

落南添得黑髭歸歸與相忘草木知嶽麓沈沈秋柝靜湘

波穆穆夜帆遲人間公論今何在柱下家聲此不疑德鄰乃子

寄陳同甫

古來材大難為用納納乾坤着幾人但把雞豚燕同社莫  
將鴉鴨惱比隣世非文字將安托身與兒孫竟孰親一語  
解紛吾豈敢祇應行道亦酸辛

送辛卿幼安帥閩

長才自昔恨平時三入脩門兩鬢絲龕下可能長夜飲花  
間却學晚唐詞潛然北顧關河水簡在西清日月遲乘鴈  
雙鳧滄海上與君從此恐差池

送盧郎中國華赴閩憲

相望千里馬牛風聯事湖湘各已翁造次便呼兒女見網



繆略與弟兄同百年又是梅花發萬事何如荔子紅欲附使軺嗟不及却憐身在俊躔中

送范大著文叔知彭州

中書世祿今無幾唐鑑家聲世不多安得有人賢若此忽聞去國意如何同朝最是頭先白知己還愁語太苛盡欲讀書三萬卷蓬萊未必似岷峨

同游張園酒中各嘆明年未知誰與此會余最衰病宜去因作詩識之

春過新烟能有幾愁生飛絮轉難禁可憐衰白隨年少愛看殘紅到夜深一葦衣冠方事事故園松竹已陰陰明年此會知誰共雁蕩山前寄好音

送曾繼先赴山陰路鈴

鬚髯白盡猶強飢髀肉添多未跨鞍不向沙親矢石却來橋塚護衣冠歸舟自此長相背薦墨于今尚未乾只恐燕然他日事獨無名字可同刊

泊釣臺灘下

今歲僅餘今夜月此舟三泊此江沂遭逢明主還遺恨慚愧先生獨見幾泗水列侯多不免湘山四皓竟安歸漢家故舊嘗枚數孰與東南一釣磯

除夕宿處州天寧寺

人言老去不如初我愛初心老轉無懶向門前題鬱壘喜從人後飲屠蘇杯盤甚簡眠須早禮數多寬拜要扶况復麴麴僧紙帳鷄人不聽禁庭呼

再寄蔣仲可用前韻



幸無骨相可封侯歸理先人舊釣遊山下剩栽諸本竹水  
邊須着數間樓羣書可讀自隨喜一客不來誰與愁時把  
釣絲銷永日魚兒亦得兩三頭

重陽日寄瑞安劉宰劉宰以是日晏新第人併見招  
不及赴

落帽沾衣總失真追隨萸菊亦勞神酒無肴核依然好家  
有溪山豈是貧沆瀣從空來夜氣青冥隨處際秋旻不知  
此是登高否爲問慈恩塔上人

和林宗易菊花韻

一歲所餘秋有幾重陽偏與老相催每憐白髮能長健雖  
愛黃花亦懶栽好景游從須好友新詩風味似新醅人生  
適意無過此恣聽東籬早晏開

春日和林宗易韻

白與紅兼盡落梅小園獨步日千迴浮空曉色臨無際排  
闥春光撥不開學語新禽更後轉鋪茸細草雨邊來却憐  
追逐今無力放下簾鉤就麝煤

和徐叔子用林宗易韻見示

相過風雨獨何歟校酒論文已不如方信淡交相戀嫖却  
因衰退更躊躇吟生池草書成束飲落簷花醉墮車明日  
待隨公等去我頭應始自今梳

游雲頂院和徐叔子韻

老大生憎兒女態更無春怨與秋悲略將盃酌隨宜具剩  
有溪山取次嬉愛客不妨兼汎汎論文何苦太奇奇况曾  
窺得尊生術通昔蒲團日一炊



村居二首

業已將身落耦耕時於觀物悟浮生擇栖未定鳥離立避礙已通魚並行野老窺巢占太歲收兒敲角報殘更絕勝倚市看郵置客至還無菜甲蒸

野衣農圃雜華髮弟兄同佚老便居僻貪閑喜命窮習成杯酌少脫落語言工危坐看流景新萌又落紅

沈仲一送菊自言封殖之勞欲得詩為報為賦三絕

東籬何在菊年年菊視陶詩竟孰賢未必綠詩花更好花將詩與萬人傳

霜螿風味小槽春新樣宮衣試麴塵見周禮麴衣注一段秋光誰

領此芙蓉凡子桂陳人

愁乾手自搭連筒苦雨丁丁枝小蓬乞得花開急催客明

朝恐已着霜紅

立春

千官勒馬謝幡勝萬國鞭牛占雨晴誰據槁梧相近午頰車徐轉鼻無聲

和張端士初夏

屈原賈誼陶淵明文辭皆喜道孟夏而悲樂不同雖所遭之時異要亦懷抱使然耳端士寄夏日一首若無聊然因和其韻頌初夏之美以解之

綠陰四合水迷津春去雖愁却可人無數飛螢窺案帙有時乳燕落梁塵滿塘荷蔭將還舊試火包香又新新短夜得眠常不足僧鐘遮莫報昏晨

止齋即事二首



恒已耐岑寂老應忘隱憂齊年雙白髮盡日一蒼頭竹閉  
緘門鑰蒲團數漏籌未知庭廡下還有雀羅不  
教子時開卷逢人強整襟再貧看晚節多病得初心地僻  
菱蓮好山低竹樹深寄聲同燕社明月又秋砧

巳未上巳清明

霖霖故作落花天佳節重重倍悵然雖有庭除臨曲水更  
無尊俎試新烟醱醲雅欲延春賞杜宇還能破晝眠賴得  
二昆同一客蕨芽蒲笋短檠邊

和林宗易上巳韻

寥寥曙鼓五更初枚數何門可曳裾孰與課兒翻故紙幾  
曾緣客掃精廬常饑未免時中酒多病安能強著書自笑  
無才供視草徒勞身後問相如

答朱翔遠見別之作

總角相看五十年行藏殊轍各皤然豈無子美書成束欲  
送相如賦上天俗眼不寬多小謹交情何限復長篇乘壺  
偶自兵厨至聊助征帆一醉眠

晚移舟塘次值風而回莘叟兄有詩次韻

經春屏跡與誰同苦雨衣篝亦自烘方此欲為官况事微  
然不值世情風蒙茸水國蒲荷蕩馥郁田家橘柚叢最是  
一年行樂處翻成咄咄坐書空

廷植姪得男朱文昭寄詩於湯餅集卽席和韻

喜說徐卿得二雛吾家波及亦君餘青衫手板宜從此斷  
簡家藏莫付渠但欲健如黃犢走不妨錯寫弄麀書更看  
湯餅頻頻俱笑索梅花到歲除



挽尤廷之尚書

自爲師說竟誰宗每事持平屬此翁有志政須名節是斯  
文非獨語言工要令舉世人材出合在前朝行輩中安得  
長年留把柁後來各與一帆風  
宿留江湖長子孫行藏節節耐人看及爲侍從身垂老欲  
試平生事轉難書就僅題前太史功成方記舊甘盤令人  
長恨經綸意歷事三朝見一斑

向來諸老獨巋然羸不勝衣萬事便燈下細書批勅字雪  
邊先着趁朝鞭豈應無故令身健却止功名與世傳遺奏  
定留封禪藁憑誰吹送九重天

壯歲從游兩鬢霜重來兩丈各堪傷那知卒業今無及極  
悔論心昨未嘗相約歸期須次第獨存病骨更妻涼他年  
賴有門生記託在碑陰永不忘

挽東陽郭德誼

簪紱何能貴聲名幸自脩凡今爲我友幾處與君遊翰墨  
千年托松梧一夜秋令人懷昔日炯炯夢丹丘

悼楊林甫

袖手旁觀一世餘元非親物亦非疎酒邊每事如人意  
下通宵讀我書學到莊騷纔止此生逢周漢定何如西州  
相識無遺恨獨恨無從摻子祛



卧籍無貴身繼身無窮對午燕  
人存及身從身垂老

不展青藜非書學匪菲靈龜五山主  
發固黃安河坡西州

蘇毛良賸一冊翁示非嫌幽亦非  
煎酉變長車以人意

朝縣林市

十羊非外哥一亥煉令人射昔日  
歐歐夢其立

替處何論貴華公幸自前以今  
為非文幾與我遊傳墨

蘇東豐源齋

蘇東門主信指存軒劉永不忘



